

#9

[O] Chinese

V. 11 - V. 12

Vol. 14





肝臟方 凡五類

肝臟脈論第一 論二首

論曰夫人稟天地而生故內有五臟六腑精氣骨髓筋脈外有四肢九竅皮毛爪齒咽喉唇舌肛門胞囊以此總而成軀故將息得理則百脈安和役用非宜即為五勞七傷六極之患有方可救雖病無他無法可憑奄然永往所以此之中秩卷卷備述五臟六腑等血脈根源循環流注與九竅應會處所并論五臟六腑等輕重大小長短潤狹受盛多少仍列對治方法凡散酒煎湯膏摩熨及針灸孔穴並窮於此矣其能留心於醫術者可攷而行之其冷熱虛實風氣準藥性而用之則內外百病無所逃矣凡五臟在天為五星在地為五嶽約時為五行在人為五臟五臟者精神魂魄意也論陰陽察虛實知病源用補瀉應稟三百六十五節終會通十二經焉 論曰肝主魄為即官隨神往來謂之魂魂者肝之藏也目者肝之官肝氣通於目目和則能辨五色矣左目甲右目乙循環紫宮榮華於爪外主筋內主血肝重四觔四兩左三葉右四葉凡七葉有六童子三玉女守之神名藍藍主藏魂號為魂藏隨節應會故云肝藏血血舍魂在氣為語在液為淚肝氣虛則恐實則怒肝氣虛則夢見苑囿生草得其時夢伏樹下不敢起肝氣盛則夢怒厥氣客於肝則夢山林樹木 凡人卧則血歸於肝肝受血而能視足受血而能步掌受血而能握指受血而能攝 凡肝臟象木與膽合為腑其經足厥陰與少陽為表裏其脈弦相於冬王於春春時萬物始生其氣來濡而弱寬而虛故脈為弦濡即不可發汗弱則不可下寬者開開者通通者利故名曰寬而虛 春脈如弦春脈肝也東方木也萬物之所以始生也故其氣來濡弱輕虛而滑端直以長故曰弦反此者病何如而反其氣來寬而弦此謂太過病在外其氣來不寬而微此謂不及病在內太過則令人善忘作怒當怒怒眩冒而癰疾不及則令人胸痛引背兩脇脹滿 肝脈來濡弱招招如揭竿末梢曰平



作轉轉如按琴是 肝死 真肝脈至內外急如循刀刀責責然樂源作如按琴瑟弦 色青白不澤毛折乃死 春

胃微弦曰平弦多胃少曰肝病但弦無胃曰死胃而有毛曰秋病毛甚曰冬病 肝藏血血舍魂悲哀動

中則傷魂魂傷則狂妄其精不守一作狂妄不精 令人陰縮而攣筋兩脅肋骨舉一作不舉 毛悴色天死於秋

足厥陰氣絕則筋縮引卵與舌厥陰者肝脈也肝者筋之合也筋者繫於陰器而脈絡於舌本故脈弗

營則筋縮急筋縮急則引卵與舌故唇青舌卷卵縮則筋先死庚篤辛死金勝木也 肝死藏浮之弱按

之中如索不來或曲如蛇行者死 春肝木王其脈弦細而長曰平反得沉濡而滑者是腎之乘肝母之

歸子為虛邪雖病易治反得浮大而洪者是心之乘肝子之乘母為實邪雖病自愈反得微澀而短千金云

微浮而短 者是肺之乘肝金之尅木為賊邪大逆十死不治反得大而緩者是脾之乘肝土之陵木為微邪

雖病即瘥心乘肝必吐利肺乘肝即為癰腫 左手關上陰絕者無肝脈也苦癰遺溺難言膈下有邪氣

善吐刺足少陽治陽 左手關上陰實者肝實也苦肉中痛動善轉筋吐刺足厥陰治陰 肝脈來濯濯

如倚竿如琴瑟弦再至曰平三至曰離經病四至脫精五至死六至命盡足厥陰脈也 肝脈急甚為惡

言一作微急為浮氣在膈下如覆杯緩甚為嘔微緩為水瘕痺大甚為內癰善嘔衄微大為肝痺縮咳引

少腹小甚為多飲微小為消瘠滑甚為顛癰微滑為遺溺澀甚為淡飲微澀為瘕瘕筋攣 肝脈搏堅而

長色不青當病墜若搏因血在膈下令人喘逆其濡散色澤者當病溢飲溢飲者渴暴多飲而溢入肌膚

腸胃之外也素問溢入 青脈之至也長而左右彈有積氣在心下支肘名曰肝痺得之寒濕與疰同法腰

痛足冷頭痛 扁鵲曰肝有病則目奪精虛則寒寒則陰氣壯壯則夢山樹等寔則熱熱則陽氣壯壯則

夢怒 肝在聲為呼在變動為握在志為怒怒傷肝精氣并於肝則憂肝虛則恐寔則怒怒而不已亦生

憂矣 色主春病變於色者取之榮 病先發於肝者頭目眩脇痛支滿一日之脾閉塞不通身痛體重

二日之胃而腹脹三日之腎小腹腰脊痛脛痠十日不已死冬日入夏早食 病在肝平旦慧下晡甚夜

病在肝平旦慧下晡甚夜

病在肝平旦慧下晡甚夜



半靜 假令肝病西行若食雞肉得之當以秋時發病以庚辛日也家有血腫死女子見之以明要為災  
不者若感金銀物得之 凡肝病之狀必兩脇下痛引少腹令人善怒虛則目眩眩無所見耳無所聞善  
恐如人將捕之若欲治之當取其經足厥陰與少陽氣逆則頭目痛耳聾不聰頰腫取血者 肝脈沉之  
而急浮之亦然若脇痛有氣支滿引少腹痛時小便難苦目眩頭痛腰痛足為寒時瘧女人月事不來  
時無時有得之少年有所墮墜 肝病其色青手足拘急脇下苦滿或時眩冒其目弦長此為可治宜服  
防風竹瀝湯秦艽散春當刺大敦夏刺行間冬刺曲泉皆補之季夏刺太衝秋刺中郄皆瀉之又當灸期  
門百壯背第九椎五十壯 邪在肝則兩脇中痛寒中惡血在內肝善痠節時腫取之行間以引脇下補  
三里以溫胃中取血脈以散惡血取耳間青脈以去其痠 凡有所墮墜惡血留內若有所大怒氣上而  
不能下積於左脇下則傷肝 肝中風者頭目暈兩脇痛行常偃令人嗜甘如阻婦狀 肝中寒者其人  
沈沈惡寒翁翁發熱面翁然赤熱熱有汗胸中煩熱 肝中寒者其人兩臂不舉舌本<sub>太</sub>作<sub>太</sub>操善太息胸  
中痛不得轉側時盜汗咳食已吐其汁 肝主胸中喘怒罵其脈沉胸中又窒欲令人推按之有熱鼻窒  
肝傷其人脫肉又臥口欲得張時時手足青目瞑腫人痛此為肝臟傷所致也 肝水者其人腹大不  
能自轉側而脇下腹中痛時時津液微生小便續通 肝脹者脇下滿而痛引少腹 肝著其病人常欲  
蹈其胸上先未苦時俱欲飲熱 診得肝積脈弦而細兩脇下痛邪氣走心下足脛寒脇痛引少腹男子  
積疝女子瘕淋身無膏澤善轉筋爪甲枯黑春瘡秋劇色青也 肝之積名曰肥氣在左脇下如覆杯有  
頭足如龜贅狀久久不愈發咳逆瘧瘧連歲月不已以季夏戊己日得之何也肝病傳肝肝當傳脾脾通  
以季夏王王者不受邪肝復欲遂肺肺不肯受因留結為積故知肥氣以季夏得之 肝病胸滿脇脹善  
悲怒呬呼身體有熱而復惡寒四肢不舉面白身體滑其脈當弦長而急今反短澀其色當青而反白者  
此是金之尅木為大逆十死不治 襄公問扁鵲曰吾欲不診脈察其音觀其色知其病生死可得聞乎  
答曰乃聖道之大要師所不傳黃帝貴之過於金玉入門見病觀其色聞其呼吸則知往來出入吉凶之



相角音人者主肝聲也肝聲呼其音琴其志怒其經足厥陰厥逆少陽則營衛不通陰陽交雜陰氣外傷陽氣內擊擊則寒寒則虛虛則卒然暗啞不聲此為厲風入肝續命湯主之方見第八卷中但踞坐不得低頭面目青黑四肢緩弱遺失便利甚則不可治賒則旬月之內桂枝酒主之方見第八卷中又呼而哭哭而反吟此為金起木陰擊陽陰氣起而陽氣伏伏則實實則熱熱則喘喘則逆逆則悶悶則恐恐目視不明語聲切急謬說有人此為邪熱傷肝甚則不可治若唇色雖青向眼不應可治地黃煎主之方見下肝中肝病為瘧者令人色蒼蒼然太息其狀若死者烏梅丸主之方見第十卷中若其人本來少於悲恚忽爾嗔怒出言反常乍寬乍急言未竟以手向眼如有所畏若不即病禍必至矣此肝病聲之候也若其人虛則為寒風所傷若實則為熱氣所損陽則瀉之陰則補之青為肝肝合筋青如翠羽者吉肝主目目是肝之餘其人木形相比於上角蒼色小頭長面大肩平背直身小手足有材好勞心少力多憂勞於事耐春夏不耐秋冬秋冬感而生病足厥陰他他然脇廣合堅脆傾正則肝應之正青色小理者則肝小小則藏安無脇下之病粗理者則肝大大則虛虛則寒逼胃迫咽善脇中且脇下痛廣脅反散者則肝高則實實則肝熱上支貢加脇下急為息責合脅危一作危散者則肝下下則逼胃脅下空空則易受邪脅骨堅者則肝堅堅則臟安難傷脇骨弱者則肝脆脆則善病消瘴易傷脇腹好相者則肝端正端正則和利難傷脇骨偏舉者則肝偏傾偏傾則脇下偏痛凡人分部陷起者必有病生臆少陽為肝之部而藏氣通於內外亦隨而應之沉濁為內浮清為外若色從外走內者病從外生部處起若色從內出外者病從內生部處陷內病前治陰後治陽外病前治陽後治陰陽主外陰主內凡人死生休否則藏神前變形於外人肝前病目則為之無色若肝前死目則為之脫精若天中等分蒼色應之必死不治看應增損斟酌賒促賒則不出四百日內促則不延旬月之間肝病少愈而卒死何以知之曰青白色如梅指大廣點見顏頰上此必卒死肝絕八日死何以知之面青目赤但欲伏眼目視而不見人汗出如水不止一日二日死面黑目青者不死青如草滋死吉山之色在於分部順順而見青白入目必病不出其年若年上不應三年之中禍必應也



春木肝脈色青主足少陽脈也春取絡脈分肉春者木始治肝氣始生肝氣急其風疾經脈常深其氣少不能深入故取絡脈分肉之間其脈根本並在寢陰之間應在窗籠之前窗籠者耳前上下脈以手按之動者是也其筋起於小指次指之上結外踝上循肝外廉結於膝外廉其支者別起於外輔骨上走髀前者結伏兔之上後者結於尻其直者上眇乘季脇上走腋前廉使於膺乳結於缺盆直者上出掖貫缺盆出太陽之前循耳後上額角交巔上下走頤上結於頰其支者結於目外眥為外維其脈起於目銳眥上抵頭角下耳後循頸行手少陽之前至肩上也交出手少陽之後入缺盆其支者從耳後入耳中出走耳前至銳眥後其支者別銳眥下大迎合手少陽於頰下加頰車下頤合缺盆以下胸中貫膈絡肝屬膽循脇裏出氣街繞毛際橫入髀厭中其直者從缺盆下腋循胸過季脇下合髀厭中以下循髀陽出膝外廉下外輔骨之前直下抵絕骨之端下出外踝之前循足跗上出小指次指之端其支者別跗上入大指之間循大指歧內出其端還貫入爪甲出三毛合足厥陰為表裏厥陰之本在行間上五寸應在背腧同會於手太陰其足少陽之別名曰光明去踝半寸是也別走厥陰下絡足跗主肝病實則膽熱熱則厥厥則陽病陽脈反逆大於寸口一倍病則胸中有熱心脇頭領痛缺盆腋下腫虛則膽寒寒則痿癢變則陰病陰脈反小於寸口病則胸中有寒少氣口苦身體無膏澤外至肘絕骨外踝前及諸節皆痛若陰陽俱靜與其俱動如引繩俱頓者病也此處是足少陽胆經筋脈支別為病今取足厥陰肝經附於後足厥陰之脈起於大指叢毛之際上循足跗上廉去內踝一寸上踝八寸交出太陰之後上脛內廉循股陰入毛中環陰器抵小腹俠胃屬肝絡膽上貫膈布脇肋循喉嚨之後上入頤頤連目系上出額與督脈會於巔一本云其支者從三第四骨空下第其支者從目系下頰裏環唇內其支者復從肝別貫膈上注肺中是動則病腰痛不可以俛仰丈夫頰疝婦人小腹腫甚則噤乾面塵脫色是主肝所生病者胸滿嘔逆洞泄孤疝遺溺閉癰盛者則寸口大一倍於人迎虛者則寸口反小於人迎也足厥陰之別名曰蠡溝去內踝上五寸別走少陽其別者循經上臑結於莖其病氣逆則臑腫卒疝寬則挺長熱虛則暴癢取之所別足厥陰之筋起於大



指之上上結於內踝之前上循肝上結內輔之上下循陰股結於陰器結絡諸筋 春三月者主肝膽青筋掌病也其源從少陰而涉足少陽少陽之氣始發少陰之氣始衰陰陽拂鬱於腠理皮毛之病俱生表裏之病因起從少陽發動反少陰氣則臟腑受厲而生其病相反若腑虛則為陰邪所傷腰背強急腳縮不伸肝中欲折目中生花若臟實則為陽毒所損濕濕前寒而後熱頸外雙筋牽不得屈伸頸直背強眼赤黃若欲轉動合身回側故曰青筋牽病方見第九卷傷寒門扁鵲曰足肝肺二腑主治丹毒牽病當依源處治調其陽理其陰臟腑之疾不生矣

肝虛實第二服四條 方十一首

肝實熱 左手關上脈陰實者足厥陰經也病苦心下堅滿常兩脇痛息忿忿如怒狀名曰肝實熱也竹瀝泄熱湯 治肝實熱陽氣伏邪熱喘逆悶恐目視物無明狂悖非意而言者方 竹瀝一升麻黃

大青 梔子 升麻 茯苓 元參 知母各三生薑 石膏各八生薑 芍藥各四右十二味

咀以水九升煮取二升半去滓下竹瀝煮兩三沸分三服須利下芒硝三分去芍藥加生地黃五分方無石膏生薑芍藥生葛用人參三分

**衍義** 喘逆狂悶明是木邪無畏反侮肺金之象方用竹瀝潤火清痰為主兼以麻黃升麻開泄肺滿於上大青引領知母石膏等味降泄肝實於下可謂峻矣設亢極不能即應須加芒硝以潤下之芍藥

益氣不若地黃之滋血故易之

前胡湯 治肝實熱目痛胸滿氣急塞瀉肝方 前胡 芒硝 秦皮 梔子仁 決明子 黃芩 升

麻 梔仁 細辛各三苦竹葉切車前葉切各一升右十一味咬咀以水九升煮取三升去滓下芒硝分

三服 一方有柴胡三兩

**衍義** 肝熱而見胸滿氣急火邪內蘊之兆火性上炎而害空竅所以目痛故用前胡決明梔仁專祛肝竅之風升麻細辛黃芩開發上蘊之熱芒硝梔子苦竹葉耳疎泄內蘊之火秦皮苦燥專主肝膽濕



熱且為目痛要藥

防風散 治肝實熱夢怒虛驚方 防風 茯苓 姜藎

射干 兩 各一升 麻 黃芩 兩 各一大棗 三升 酸棗仁 三分

以井花水二升煮時時動上裏子煎取一升分服日二

行義 夢中悲怒醒則虛驚熱并於肝而膽氣餒怯也夫木邪勢盛必致凌虐脾土土受木乘亦令善

驚故用防風補膽射干瀉肝酸棗姜藎丹參平調肝膽血氣細辛升麻黃芩開發少陽風熱苓朮橘甘

大棗培護中土土寔則肝氣受陰不致木槁火熾則夢寐安寧可無驚怒之患君以防風非獨補膽補

肝藥中亦須用以土中瀉木可無土敗木乘之患

遠志散 治肝邪熱出言反常乍寬乍急方 遠志 射干 杏仁 大青 兩 各一升 茯神 麥門冬 葛根

甘艸 兩 各一升 藥 三升 桂心 三分 知母 升麻 各五 石膏 二兩 右十三味治下篩為粗散以水二升

五合煮竹葉一升取汁內藥一匕半煎取八合為一服日一以綿裹散煮也

行義 出言反常木邪肆虐擾亂神明君主不能為政也方用遠志茯神麥門冬利竅安神滋培心氣

升麻葛根杏仁開泄於上大青射干芍藥甘草知母石膏降泄於下清潤藥中得桂心之辛溫以開泄

木邪之去路也

地黃煎 治邪熱傷肝好生悲怒所作不定自驚恐方 生地黃 淡竹葉 生薑 車前草 乾藍 各

升 赤蜜 一升 丹參 元參 各四 茯苓 二兩 石膏 五兩 右十味改咀以水九升煮取三升去滓停冷下

蜜更煎三兩沸分三服

行義 此言邪熱傷肝內藏津液雖為熱邪所耗而虛陽散漫或時擾肝則怒迫肺則悲薄膽則驚犯

腎則恐以火無常性乘虛隨入諸經鄰壑為墟少陰尤為切近所以專取地黃兼滋肝腎真陰乾藍引

領淡竹葉車前等味降泄諸經游火又須生薑赤蜜辛甘滋化肺氣不使虛陽留宿於上然蜜有赤白

領淡竹葉車前等味降泄諸經游火又須生薑赤蜜辛甘滋化肺氣不使虛陽留宿於上然蜜有赤白



之分白者補而赤者瀉兩不移易之定法

肝膽俱實 左手關上脈陰陽俱實者足厥陰與少陽經俱實也病苦胃脹嘔逆食不消名曰肝膽俱實也

肝虛寒 左手關上脈陰虛者足厥陰經也病苦脇下堅寒熱腹滿不欲飲食腹脹悒悒不樂婦人月經

不利腰腹痛名曰肝虛寒也

補肝湯 治肝氣不足兩脇下滿筋急不得太息四肢厥冷發瘡心腹痛目不明及婦人心痛乳癰膝

熱消渴爪甲枯口面青者方 山茱萸鳥頭作甘草 桂心各三 桃仁翼作 柏子仁 細辛 茯苓 防

風各二 大棗四枚 右九味咬咀以水九升煮取五升去滓分三服

衍義 肝為風木之藏動則生火靜則生風動者實而靜者虛也山茱萸桂心專補肝虛下脫防風細辛

柏仁專散虛風內動然非山茱萸不能斂固於下非桂心不能鼓運於中故欲杜虛風須培強土苓甘大

棗意在培土尤賴防風桂心之風力運動則土膏發育木澤敷榮桃仁一味協濟桂心流通血脈調適

婦人經候之要著也

補肝散 治左脇偏痛久宿食不消并目眩眩昏風淚出見物不審而逆風寒偏甚消食破氣止淚方

山茱萸 桂心 薯蕷 天雄 茯苓 人參各五 芍藥 白朮 獨活 五加皮 大黃各七 橘皮

三分 防風 乾薑 丹參 厚朴 細辛 桂梗各一兩 甘草 乾菊花 一兩 貫眾 半兩 陳麥各七 大麥

藥各一 右二十三味治下篩酒服方寸匕日一若食不消食後服若止痛食前服

衍義 前補肝湯所主肝虛本病此補肝散所主木乘土衰故於茱萸桂天雄等補肝藥中參入大黃厚

朴貫眾以洩內蘊之滯人參白朮茯苓以補內虧之氣乾薑芍藥五加以溫內阻之血防風細辛獨活

乾菊以化內虛之風其餘薯蕷丹參桔梗橘皮甘草麴蘖隨補瀉以為佐使耳

松膏酒 治肝虛寒或高風眼淚等雜病方 以松脂十觔細剉以水淹浸一周日煮之細細接取上膏

水竭更添之脂盡更水煮如前烟盡去火停冷脂當沉下取一觔釀米一石水七升好蠟末二斗如家



常釀酒法仍冷下飯封一百日脂米細並消酒香滿室細細飲之此酒須一倍加麵

**衍義** 松脂堅勁而善祛風肝虛風濕內襲故用其膏釀酒以祛宿昔之風高風眼淚非肝風內壅之

驗乎

枸杞酒 治同前 枸杞子一斗搗碎內絹袋中酒二斗漬訖密封泥甕勿洩曝乾天陰勿出三七日滿

且溫酒任性飲之忌酢

**衍義** 枸杞酒方下主治同前然松膏燥濕枸杞潤血補肝之用雖同潤燥之性迥別

防風煎 治肝虛寒目眩視物不明諦視生花補方 防風 細辛 芎藭 獨活 白鮮皮 甘草

各三兩 橘皮二兩 大棗三枚 升 甘竹葉切一蜜五合

下蜜更煎兩沸分四服日三夜一若五六月以燥器貯冷水藏之 右十味改咀以水一斗六升先煮九味取四升去滓

**衍義** 肝氣下襲於腎上擾水輪所以眩視視物不明諦視生花防風白鮮甘竹上散頭目諸風細辛

獨活芎藭下通腎肝之結甘草橘皮蜂蜜大棗培土以禦木邪之下陷也

檳榔湯 治肝虛寒脇下痛脹滿氣急目昏濁視物不明方 檳榔 附子 母薑 茯苓 橘皮

桂心 各三兩 桔梗 白朮 各四兩 吳茱萸 五兩

若氣喘者加芎藭三兩半夏四兩甘草二兩 右九味改咀以水九升煮取三升去滓溫服每服一升

**衍義** 一派溫補肝脾藥中獨用檳榔以破脇滿氣急則桂附薑茯苓求桔橘力祛中外虛寒而無旺

氣托脫之患矣

治肝虛目不明方 炙肝膈二百壯小兒斟酌可灸一二七壯

肝膽俱虛 左手關上脈陰陽俱虛者足厥陰與少陽經俱虛也病若恍惚尸厥不知人妄見少氣不能

言時時自驚名曰肝膽俱虛也

肝勞第三論一首 方二首



論曰肝勞病者補心氣以益之心王則感於肝矣人逆春氣則足少陽不生而肝氣內變順之則生逆之則死順之則治逆之則亂反順為逆是謂關格病則生矣

猪膏酒

治肝勞虛寒關格閉塞不通毛悴色夭方

猪膏 薑汁各二

右二味以微火煎取三升酒

五合和煎分為三服食

衍義

肝為藏血藏津之地肝氣過勞則血槁津枯關格之病生矣猪膏甘潤滋津生薑辛溫化氣使

津液流布而關格通矣

虎骨酒

治肝虛寒勞損口苦關節骨疼痛筋攣縮煩悶方

虎骨一升又焦參八兩

乾地黃七兩

骨皮

乾薑 芎藭各四兩

猪椒根

五加皮

白朮

枳實各五兩

右十味咬咀絹袋盛以酒四斗浸

四日初服六七合漸加至一升日再

衍義

肝主筋骨主骨肝勞而至筋攣骨疼風寒在下口苦煩悶風熱在上也虎骨猪椒芎藭內搜筋

骨之風乾薑白朮五加下追關節之痛地黃地骨上清煩擾之熱枳實丹參中散瘀滯之血也

筋極第四

論二首 方七首

論曰夫六極者天氣通於肺地氣通於嗔風氣應於肝雷氣動於心穀氣感於脾素問穀雨氣潤於腎六

經為川腸胃為海九竅為水注之氣所以竅應於五臟五臟邪傷則六腑生極故曰五臟六極也 論曰

凡筋極者主肝也肝應筋筋與肝合肝有病從筋生又曰以春遇病為筋痺筋痺不已復感於邪內舍於

肝則陽氣入於內陰氣出於外若陰氣外出則虛虛則筋虛筋虛則善悲色青蒼白見於目下若傷寒

則筋不能動十指爪皆痛數好轉筋其源以春甲乙日得之傷風風在筋為肝虛風也若陽氣內發發則

實實則筋實筋實則善怒嗔乾傷熱則咳咳則膈下痛不能轉側又腳下滿痛故曰肝實風也然則因其

輕而揚之因其重而減之因其衰而彰之審其陰陽以別柔剛陽病治陰陰病治陽善治病者病在皮毛

肌膚筋脈而治之次治六腑若至五臟則半死矣 扁鵲云筋絕不治九日死何以知之手足爪甲青黑



吐瀉口不覺痛足厥陰足厥陰氣絕則筋縮引卵與舌筋先死矣

橘皮通氣湯 治筋實極則咳則兩脇下縮痛甚則不能轉動方 橘皮 四兩 白朮 石膏 各五

細辛 當歸 桂心 茯苓 各三香豉 一升 右八味吹咀以水九升煮取三升去滓分三服

**行義** 肝傷筋極而復傷熱則咳則兩脇下痛故用橘皮細辛以治咳香豉石膏以化熱桂心當歸以

調肝白朮茯苓以實脾脾實則肝邪不能肆虐矣

丹參散 治筋實極則兩腳下滿滿而復痛不能行脚心如割筋斷折痛不可忍者方 丹參 三兩 芍藥

杜仲 續斷 地骨皮 各二 乾地黄 當歸 通草 升麻 麥門冬 禹餘糧 麻黃 各一兩 牛

膝 六兩 甘草 桂心 各一 生薑 切炒 乾牡蠣 兩半 右十七味治下篩為粗散以絹袋子盛散二方寸

匕以井花水二升煮數動袋子煮取一升頓服日二

**行義** 腳下滿痛多由遠行力乏極勞傷筋或用冷湯洗濯風寒之邪乘虛襲入遂致筋折如斷故於

治血舒筋劑中兼麻黃升麻以散邪壯蠶禹餘糧以杜虛風之復擾也

地黃煎 治筋實極手足爪甲或青或黃或黑烏黯四肢筋急滿方 生地黃汁 三升 生葛汁 生元參

汁 各一大黃 升麻 各二 麻黃 梔子仁 犀角 各三 石膏 五兩 芍藥 四兩 右十味吹咀以水七升

先煮七物取二升去滓次下地黃汁煎一二沸次下葛汁煎取三升分為三服日再

**行義** 筋極而見手足爪甲青黑頗有似乎陰寒之證然有煩滿而無厥逆洵為痰熱無疑故於解利

藥中得麻黃升麻外通經氣之結得地黃大黃破蓄血之滿也 此與前熱邪傷肝之地黃煎涇渭攸

分彼專收攝虛陽故兼生薑此專攻逐瘀血故兼大黃觀金匱脈感例中赤小豆當歸散治七日目四

皆黑病雖不同而瘀血之證則一

五加酒 治筋虛極筋痺好悲思顏色蒼白四肢痿痺手足拘攣伸痛縮急腹中轉痛方 五加皮 一斤

薏苡仁 半升 枳刺 二升 大麻仁 二升 猪椒根皮 丹參 各八 乾薑 芍藥 各五 桂心 當歸 甘草 各

三



兩天雄 秦椒 白麝皮 通草各四 右十五味咬咀以絹袋盛清酒四斗漬春夏四日秋冬六七  
日初服六七合稍稍加以知為度

**行義** 筋虛極而好悲且色兼蒼白明是金刑木象筋病所以外見手足拘攣內顯腹中轉痛故用五

加祛風逐濕而兼二椒薑雄壯筋強骨柱心芎藭益肝養營佐以薏苡枳刺麻仁丹麥甘草蘼通得酒  
以行其力何憚筋極之不平復乎

人參酒 治筋虛極則筋不能轉十指爪皆痛數轉筋或交接過度或病未平復交接傷氣內筋絕舌卷

唇青引卵縮肝脈疼急腹中絞痛或便欲絕不能飲食方 人參 防風 茯苓 細辛 秦椒 黃

芪 當歸 牛膝 桔梗各一兩半 乾地黄 丹麥 薯蕷 鍾乳 礬石 山茱萸 芎藭各二兩 白朮

麻黃各二兩半 五加皮 生薑切炒 烏麻碎各一升 大棗三十枚 右二十二味咬咀鍾乳別以小袋子盛清酒二

斗半浸五日溫服三合日再不如隨意增進 一本無烏麻用杜仲一兩半

**行義** 此治腎勞筋極故用山茱萸補地黃牛膝補養真陰芎藭當歸丹麥烏麻滋培營血人參黃芪

茯苓白朮保養元神麻黃細辛桔梗防風開泄肺氣鍾乳礬石秦椒五加固斂陽精生薑大棗調和營

衛其裏扶陽續筋之功其間白朮與鍾乳相反千金每用相激以壯其威且與礬石並用不獨為氣傷

精脫之所需并可禦麻黃發汗之外脫況漬酒緩進與湯藥急迫用法迥乎不類也

治交接損卵縮筋攣方 燒婦人月經衣灰服方寸匕

**行義** 此即南陽陰陽易燒棍散變法取穢惡之氣以散穢惡之傷也

治筋絕方 熬蟹腦足髓內瘡中筋即續

**行義** 筋絕而用蟹髓入傷處不但續筋并能散血然用生者為捷但足易脫不若用髓尤勝

足法

勞冷氣逆 龍冷痺脚屈伸難又陽踰一百壯在外踝下客爪 腰背不便轉筋急痺筋攣受第二十一



椎隨年壯 轉筋十指筋掣急不得屈伸足脚外踝骨上七壯 失精筋掣陰縮入腹相 痛灸中封五  
十壯在內踝前筋裏宛宛中 又云灸下滿各五十壯老人加之小兒隨年壯 又云此二穴喉腫厥逆  
五臟所苦臍脹悉主之 轉筋脛骨痛不可忍灸屈膝下廉橫筋上三壯 腹脹轉筋灸臍上一寸二七  
壯

堅癥積聚第五 論一首 方四十四首 又法六首

論曰病有積有聚何以別之答曰積者陰氣也聚者陽氣也故陰沉而伏陽浮而動氣之所積名曰積氣  
之所聚名曰聚故積者五臟之所生聚者六腑之所成故積者陰氣也其始發有常處其痛一作不離其  
部上下有所終始左右有所窮處也聚者陽氣也其始發無根本上下無所留止其痛無常處謂之聚也  
故以是別知積聚也 經絡受病入於腸胃五臟積聚發伏梁瘕膏肥氣否氣奔豚積聚之始生至其已  
成奈何曰積之始生得寒乃生厥止乃成積人之善病腸中積者何以候之曰皮薄而不澤肉不堅而淖  
澤如此則腸胃生惡惡則邪氣留止積聚乃作腸胃之積寒溫不次邪氣稍止至其蓄積留止大聚乃起  
病有身體腰癢股肱皆腫環臍而痛是謂何病曰病名伏梁此風根也不可動動之為水溺溢之病小腹  
盛左右上下皆有根者伏梁也裏膿血居腸胃之外不可治治之每切按之致死此下則因陰必下膿血  
上則迫胃管生玉水云出膈俠胃腕內癰此久病也難療居臍上為逆慎勿動亟奪其氣溢於大腸而著於  
膏肓之原在臍下故環臍而痛

三合丸 治五臟寒熱積聚臍脹腸鳴而噫食不生肌膚甚者嘔逆若傷寒寒瘧已愈令不復發食後服

五丸飲多者十丸常服令人大小便調和長肌肉方 大黃熱前胡各二葶藶 硝石 杏仁各一厚

朴 附子 細辛 半夏各一茯苓 半兩 右十味為末蜜和搗五千杵丸如梧子大服五丸稍加至

十丸以知為度

衍義 五臟皆有寒熱積聚非獨肝也肝之積名曰肥氣心之積名曰伏梁脾之積名曰痞氣肺之積



名曰思責腎之積名曰奔豚奔豚氣上衝胸腹痛往來寒熱金匱主以奔豚湯燒針汗出不解欲作奔豚桂枝加桂湯所加之桂心為當臍下悸者欲作奔豚桂甘棗湯腹中寒上衝皮起出見有頭足三物大建中湯寒氣厥逆用赤丸胸痺積痛九痛丸脇下偏痛大黃附子湯諸積雖有五臟之分大約不出金匱等法為正治眼藏千金特舉肝臟為例者以肝臟生發之氣生氣旺則五臟環週生氣阻則五積留著其方雖索肝臟之門而所用之藥不獨治肝積也如三台丸常取大黃附子湯專破腎肝脾三經之結兼大陷胸丸但以硝石易芒硝以泄脾胃逆氣之滿更加前胡厚朴茯苓半夏導氣滌痰方中僅有細辛一味達肝於此可以默悟堅癥積聚諸方不獨為肝臟一門設也

五石烏頭丸 治男子女人百病虛弱勞冷宿寒久癰及癥瘕積聚或嘔逆不下食并風濕諸病無不治

之方 鍾乳煅 硫黃 礬石 紫石英 赤石脂 枳實 甘草 白朮 紫苑 山茱萸 防風

白薇 桔梗 天雄 兒茱 細辛 茯苓 人參 附子 藜蘆各一兩 麥門冬 乾薑 蜀椒

吳茱萸 桂心各二兩 烏頭三兩 厚朴 遠志 茯苓各一兩 當歸二兩 乾地黃一兩 棗膏五合 右三

十二味為末蜜和搗五千杵丸如梧子大酒服十九日三稍加之

烏頭丸 治男子女人寒冷腹內積聚氣往來厥逆搶心心痛悶吐下不止婦人產後贏瘦方 烏頭

十五 吳茱萸 蜀椒 乾薑 桂心各二兩 乾地黃一兩 前胡 細辛 人參 芍藥 白朮 兒茱

紫苑 白薇各一兩 芍藥八錢 右十五味為末蜜和如梧子大酒下十九日三稍加之以知為度

衍義 五石而兼雄附烏頭三建薑桂椒黃四烈可謂峻矣又以參朮藜蘆相激乳朮其襄克敵之功復取歸地滋燥之品緩其悍烈之威深得緩急相需之妙 烏頭丸主治與五石烏頭丸輕重殊分彼

以積堅氣寔非五石雄附兼乳朮參朮之反不能克應此以積微氣弱不勝峻伐但採方中性味稍和

者一十二味更退防風當歸而退前胡芍藥以示勒方之權度也

治心腹疝瘕脇下及小腹滿堅痛有積寒氣入腹使人腹中冷發甚則上搶心氣滿飲食喜嘔方 大黃

治心腹疝瘕脇下及小腹滿堅痛有積寒氣入腹使人腹中冷發甚則上搶心氣滿飲食喜嘔方 大黃



茯苓各半 桂心 黃芩 吳茱萸 細辛 人參 蜀椒 乾薑各一兩 男髮灰半兩 牡丹 甘草 芍藥 茯苓 塵蟲各八錢 芍藥 防葵 蠱蟲 厚朴 半夏各一兩 右二十味為末蜜丸如梧子

大服五丸日再漸加之

**衍義** 疝瘕而見小腹滿痛乃肝血結積部分非濁陰之氣填塞膈上之比有時搶心喜嘔胸中大氣失職不能駕馭陰邪然陰僭陽位必不能久據於上於此可立辨故用人參扶助正氣挾薑桂而散積結料半椒黃破除濁氣大黃防葵為蠱塵開辟積血之門戶也其餘牡丹芍藥芍藥發灰之屬總在輔佐蠱塵之流耳

恒山丸 治脇下邪氣積聚往來寒熱如溫瘧方 恒山 蜀漆 白薇 桂心 蛇甲 白朮 附子

蟹甲 塵蟲 貝齒各半 蜚蠊 六錢 右十一味為末蜜和丸如梧子大以米泔清服五丸日三

**衍義** 積聚結於肝膽部分所以洗洗寒熱發作有時頗有似乎溫瘧之狀但不若瘧之發有常期也溫瘧得之冬月受邪至春夏溫蒸而發故禁溫劑此沉寒固結雖用恒山蜀漆二甲塵蟲貝齒削堅破瘕之劑不得附桂辛溫無以動之白薇功專開泄旺氣力除寒熱洗洗發作有時白朮生能逐濕散血并助諸藥破積之力也

又方 蒸鼠壤土熨之冷即易 服中切痛炒鹽半觔令焦內湯中飲之大吐瘥 若手足痛者烘青布

納小口器中熏痛處

**衍義** 外用三法土熨布熏皆取用一時以圖暫安未為不可其炒鹽引吐在西北水土堅厚之域固可無慮東南風氣易動之鄉不無激動上衝之患雖鹹未必便能斂降也

神明度命丸 治久患腹內積聚大小便不通氣上搶心腹中脹滿逆害飲食方 大黃 芍藥各二

右二味為末蜜丸如梧子大服四丸日三不知可加至六七丸以知為度

**衍義** 積聚腹中阻逆二便故用大黃推陳致新芍藥和血止痛蜜丸緩投可無開泄之虞



治萬病積聚方 七八月間收蕤藦子不限多少以水煮過熟取曝令乾搗篩蜜丸如梧子大酒服七丸以知為度其汁煎如飴服之

**行義** 白蕤藦專祛肝腎之風為目科及白癩風要藥而本經首推治惡血破積聚也  
陷胸湯 治胸中心下結積飲食不消方 栝婁實 大黃 黃連各二甘草一兩 右四味咀以水

五升煮取二升五合分三服

**行義** 小陷胸用半夏黃連栝婁實以滌胸中痰垢大陷胸用大黃芒硝甘遂以散心下結鞭此以食積倉廩而熅熱故於小陷胸中除去半夏參入大陷胸中大黃乃草去大小二字僅取陷胸之名以除水穀陳氣而與有形堅積略無干預也

太乙神明陷水丸

治諸疾破積聚心下支滿寒熱鬼瘧長病放逆唾噫辟除眾惡殺鬼逐邪中惡客忤

胸中結氣咽中閉塞有進有退繞臍側隨上下按之跳手心中慍慍如有蟲狀毒注相染滅門方

雄黃油煮一日丹砂 礬石 當歸 大黃各二 巴豆一兩 犀角 鬼白 射罔 蕤藦各一 珍珠 附子

各一 麝香 牛黃 人參各半 蜈蚣 蛇蝎各一 芫青五枚 烏頭八枚 杏仁四十枚 斑貓七枚 樓雞 地

膽各二十 桂心三兩 右二十四味為末蜜和搗三萬杵丸如小豆先食飲服二丸日三不知稍加仍

以藥二丸安門戶上令眾惡不敢近家及視病人夜行獨宿服二丸令眾惡不敢近傷寒服之無不即

瘥此方與十七卷瘥尸瘥屬方重

蜥蜴丸 治癰堅水腫飛尸遁尸百注尸注骨血相注惡氣鬼忤蠱毒邪氣往來夢寤存亡留飲結積虎

狼所嚙犬所傷鳩毒入人五臟服藥以消殺其毒毒即消婦人邪鬼忤亦能遣之方 蜥蜴 蜈

蚣各一 地膽五十枚 廩蟲 蠱蟲 杏仁各三枚 蛇蝎十四枚 朴硝 巴豆各七 款冬花 犀角 桃奴 澤

漆 桑赤雞 鬼督郵各十 針石藥 虎骨各六 甘草 乾薑各四 甘遂五分 右二十味為末別治巴

豆杏仁如膏內藥末研調下蜜搗二萬杵丸如麻子先食飲服二丸日一不知加之不敢吐下者一丸

豆杏仁如膏內藥末研調下蜜搗二萬杵丸如麻子先食飲服二丸日一不知加之不敢吐下者一丸



有人風冷注癰堅二十年者得瘕凡方與十卷

**行義** 蜥蜴丸與後陷水丸總皆辟惡之方陷水丸中首推烏附振發陽威蜥蜴丸中桃奴鬼督郵破

除陰毒藥雖異而功用彷彿 陷胸則陽邪猶在陽位陷水則陰邪汨沒微陽故用雄丹烏附恢復真

陽鬼面射罔開辟陰邪犀角珍珠分解毒蘊藜蘆礬石大黃巴豆上下涌泄激發蜥蜴斑貓蕩瘵之威

人參當歸氣血兼該鼓舞為附復陽之力方名陷水千金取譬叔孫陷圍公徒釋甲執水而踞之意或

云陷疑古字通用陽為陰陷於義亦通

**五明狼毒丸** 治堅癰瘡在入胸脇或在心腹方 狼毒 乾地黃各四兩 附子 大黃 肉蓯蓉 人參

當歸 細辛 蜀椒 五味子 蘭茹蒸令烟盡各一兩 半夏 二兩 乾薑 桂心各一兩 芫花 莽草 厚朴

防己 旋覆花各半兩 杏仁三十枚 巴豆二十四枚 右二十一味為末蜜和丸如梧子大服二凡日二夜一

以知為度

**小狼毒丸** 治同前 狼毒 三兩 附子 旋覆花 半夏 蘭茹 白附子各二兩 右六味為末蜜和搗

五千杵凡如梧子大飲服三丸如至十丸日三時後方無半 夏附子蘭茹

**狼毒丸** 治堅癰方 狼毒 五兩 半夏 杏仁各三兩 桂心 四兩 附子 蜀椒 細辛各二兩 右二味為末

別搗杏仁蜜和丸如大豆服二丸

**行義** 金匱丸病丸治九種心痛兼治卒中惡腹脹痛連年積冷流注心胸痛及落馬墜車血疾千金

取治堅癰參入蜀椒易去姜黃更椒性味相類本經言下氣溫中則一椒則專治蟲積也更加蘭茹芫

花藜蘆防己大黃厚朴助巴豆攻積之咸半夏細辛杏仁助乾薑滌飲之力桂心當歸地黃助附子散

血之用故覆花專散心下結氣肘後方與狼毒附子同治心腹連痛從蓉味鹹本經有軟堅去癥瘕之

治五味子強陰益精輔人參固斂精血不使隨毒劣耗散也 小狼毒丸取大五明狼毒丸中五味加

白附以祛肝腎風毒 狼毒丸取半夏杏仁佐狼毒以破結積之度桂心細辛佐附子以散沉淫之積

千金要方 卷十一



蜀椒專治胸腹蟲積之痛也

甘遂 黃芩 芒硝 桂心

細辛 兩各一 大黃 三兩

右六味

咀以水八升煮取二升半分三服

治卒暴癰腹中有物堅如石痛如所刺晝夜啼呼不治必死

牛膝二兩收咀曝令乾以酒一斗浸之密

塞器口煎取半升服一服便吐去宿食神效

治卒暴癰方

搗碎商陸根蒸之以新布籍腹以藥鋪著其上以衣物覆其上冷易之數日用之旦夕勿

息○又方

蒜十斤 桂二枚 灶中黃土 大一枚

三味合搗以醇苦酒和塗布上以掩病處不過三日

消用便方

行義

此以大陷胸湯入辛桂以散肝積之結黃芩以瀉膽氣之鬱也

牛膝專走厥陰而散肝家癰

疾亦是肘後成法

商陸苦寒利水大傷中氣雖外用蒸熨亦必從大便開泄

蒜桂灶土總取溫散

結積塗臍亦得散堅

野葛膏

治卒暴癰方

野葛一尺 當歸 附子

雄黃 油煎

細辛 兩各一

蜀椒 半兩

烏頭 二兩

巴豆 一百

右八味以咀以大酢浸一宿猪膏二斤煎附子色黃去滓內雄黃粉攪至凝俾布上掩癰處復以油

重布上復着十重紙以熨斗盛火着其上常令熱日三夜二須膏乾為度

行義

野葛殺鬼症蟲毒兼烏附椒辛雄歸巴豆熱膏傳熨以毒攻毒與前風毒脚氣門中野葛根辛

烈破結雖同祛風逐濕迥別

硝石大黃丸

治十二癰瘕及婦人帶下絕產無子并欲服寒食散而腹中有癰瘕實者當先服大凡下

之後與寒食散大凡不下水穀但下病耳不令人困方 硝石 兩各一 大黃 八兩 人參 甘草 各二兩

歸一兩 右五味為末以苦酒三升置銅器中竹筋挂器中一升作一刻凡三升作三刻置火上先內

大黃常攪攪盡一刻乃內餘藥又盡一刻餘一刻極微火熱使藥可丸如雞子中黃凡合藥當齊成

一宿勿令小兒女人奴婢等見之欲下病者用二丸強者二十日可五服婦人服之下如雞肝或如米汁或正赤黑下後慎風冷作一杯粥食之然後作羹臠自養如產婦法六月則有子禁生魚猪肉五辛菜果

**衍義** 癰疽固疾非補瀉兼投寒熱兼濟無以克應硝石純陽專破固結留癖大黃純陰專破癰癥積聚人參壯氣助陽當歸和血通陰甘草調和寒熱補瀉之性苦酒引入肝經味簡法專他方之所不及方下云寒食散即後蛟龍病之用寒食錫也

**土瓜丸** 治諸藏寒氣積聚煩滿熱飲食中蠱毒或食生物及水中蠱卵生入腹而成蟲蛇若為魚蟹留

飲宿食婦人產瘕帶下百病陰陽不通利大小便不節絕傷墮落寒熱交結唇口焦黑身體消瘦嗜臥

少食多癰產乳胞中餘疾腹裏熱少腹中急結痛引陰中方 土瓜根 桔梗各半 杏仁一升 大黃一斤

下濕乾 右四味為末蜜丸如梧子大空腹飲服三丸日三不知加之以知為度

**治凡所食不消方** 取其餘類燒作末酒服方寸匕便吐宿食即瘥有食桃不消作病者以時無桃就樹

間得福桃疏服之登時吐病出甚良

**治卒食不消欲成癰積方** 煎艾汁如飴取半升作一服便刺吐去宿食神良 古今錄驗方用艾五尺圍一

**治雜食瘕實不消心腹堅痛方** 以水三升煮白鹽一升令消分三服刺吐去所食并治暴瘕 東薏苡根一大把二味同煎

**治食魚肉等成瘕結在腹內并諸毒氣方** 狗屎五升燒末綿裹以酒一斗浸再宿瀝取清分十服日三

三日令盡隨所食瘕結即出

**治癰堅心下有物大如杯不得食食則腹滿心腹絞痛方** 葶藶子 大黃各二兩 澤漆四兩 右三味別

研葶藶為膏其二味搗五百杵入蜜更搗千杵和丸如梧子大服五丸不知加之日三

**治小腹堅大如盤胸中滿脹食不消化婦人瘦瘠方** 以暖水服髮灰一方寸匕日再并灸肋端 又方

飲服上好麵末方寸匕日三又灸三焦膺隨年壯



治伏梁氣方 白馬尿銅器中盛取每旦服一升

治癰瘰方 槲樹白皮煎令可丸服之取知病動若下減之

〔衍義〕土瓜根佐大黃以破積血桔梗佐杏仁以散結氣然僅可治暴傷積聚而不能攻癰堅宿患也

取餘食燒末以治所傷同氣所感灰能化滯也 艾汁純陽探吐陰傷結滯其力最專 鹽湯探吐

中病即止過服傷腎滯血又嘔時不可言語則噎入肺竅令人哮喘 狗屎穢惡能祛穢惡宿滯取

其性熱也 葶藶大黃澤漆利水破血滌痰大傷元氣亦惟暴病為宜 小腹堅大為有形之血積於

肝部故宜髮灰破宿生新在婦人尤為合法 蠲末能消食積而不能破宿血用者辨之 馬屎殺蟲

而消癰瘰腹脹能傷胃氣虛者禁用 槲皮散血而治蠱殺蟲取其苦澀以化積毒也

椒熨方 治患癰結病及爪病似爪形日月形或在臍左右或在臍上下或若蠶在左右肋下或當心如

盆子大法先針其足以椒熨之 取一新盆受一斗者底鑽一百二十孔孔上着椒三合上著一重紙

紙上著冷灰一升冷灰上著熟灰半升上著剉炭火一觔經一食頃盆底熱徹當病上初安氈一重即

安火盆火盆大熱以漸更加一重若火更熱不可忍如至三重暫歇進一口冷飲還上火消二分許即

停止經三日勿著及至七日決得頓瘥然後食美食自補若小不瘥作露宿丸服之 脾臟氣性門

治腹中積癰方 葶藶子一升熬以酒五升浸七日每服三合日三

治蛇癰方 白馬尾切長五分以酒服方寸匕大者自出更服三分者一方寸匕中者亦出更作二分者

一方寸匕小者復出不可頓作一服殺人 馬尾一

大黃湯 治蛇癰方 大黃 茯苓 各半兩 一烏鰂骨 二兩 皂莢 六枚如 甘草 如指大 芒硝 如雞子

六味以咀以水六升煮三五沸去滓內硝通寒溫盡服之十日一劑作如上法宿勿食平旦空腹服病

根當下也 治癰瘰腹堅硬腫起大如盆眠臥不得方 食中得病為癰 取藍一斤搗水三升絞取汁每服一升日二

○又方 葫蘆根白皮一握研取汁以水和頓服之○又方 白馬尿一升雞子三枚取白合煎取二合空腹頓服不移時當吐病出○又方 雞屎一升炒令黃取五合以酒一升浸取半搗為末以所浸

酒服方寸匕日二服三日中作一劑

治蛟龍病開皇六年三月八日有人食芹得之其人病發似癰癤面服寒食湯三斗大驗

山野人有嚙蟲在腹生長為蟲癰病治之方 故敗篋子 故敗梳各一 右二件各破為兩分各取一

分燒為末又取一分以水五升煮取一升服上件燒末頓服即出

常欲食米若不得米則胸中清水出為米癰治之方 雞屎一升白米五合 右二味合炒令米焦搗末

以水二升頓服取盡須臾吐出病如研米若無米當出痰自此永憎米不復食之矣

人有思肉不已食訖復思者為肉癰治之方 空腹飲白馬尿三升吐有肉出不出必死

食中有髮不覺因食而入久即胸間如有蟲狀上下去來惟欲飲油一日之中乃至二三升不欲飲食者

為髮癰方 以油一升以香澤煎之大鑊勞貯之安病人頭邊令口鼻臨油上勿令得飲傳鼻面今有

香氣當叫喚取飲不得與之必當疲極大睡其髮癰當從口出令一人專守視之并備石灰一裹見癰

出以灰粉手捉癰抽出及盡即是髮也初從腹中出形如不流水中濃菜隨髮長短形亦如之○又方

酒三升煮猪脂二升三沸服一升日二白馬尿服之亦佳無白馬尿牛尿亦得

**行義**

椒性下氣溫中蟲積遇之即伏然須用得其法方臻其妙 葶藶專於利水浸酒亦能下積

蛇癰用馬尾雖云散血照方切蜜拌酒服寔用以誘蟲同下不可頓作一服者恐蟲與馬尾交混不散

反致上攻膈膜也 蛇癰而用硝黃兼烏鰂以破血皂莢以滌垢茯苓守五臟正氣甘草緩芒硝之急

以盡攻積之力也 驚癰食驚而成藍專解毒殺蟲與夏子由奇方用板藍汁治腹內應聲蟲一意

蒴藋散血開癰葉上有粉與水銀之功彷彿 白馬尿合雞子白煎取吐胸中積著以垢逐垢之驗

雞矢醴下氣攻積內經治蠱脹用之也 寒食餲即寒食散治蛟龍病然須盡力多食混清痰涎而涌



之使上以越之也 敗梳篦燒治蟲癰雖曰取意亦取宿穢油垢以逐宿蠱之積 雞屎下氣和米同炒而投其所好誘之使出然不若用生米粉尤捷 肉癰服馬尿涌吐不獨破積兼取殺蟲吐不出者胃氣告匱不能復勝傷伐也 髮是喜油癰本髮變香煎尤為所好但與嗅不與飲候疲極困睡乘機以去取之 髮癰而用前法極其智巧設引之不出更取馬尿殺蟲破癰借酒煎猪脂誘入蟲口以化之也

### 灸法

癰瘻灸內踝後宛宛中隨年壯 又灸氣海百壯 久冷及婦人癰瘻腸鳴泄利繞臍絞痛灸天樞百壯 三報穴在俠臍兩邊各方寸勿針 積聚堅滿灸脾募百壯穴在章門季肋端 心下堅積聚冷脹灸上腕百壯 三報穴在巨闕下一寸 積聚堅大如盤冷脹灸胃腕一百壯玄報穴在巨闕下二寸是

### 附臟腑大義

石頑曰當效岐伯十九條病機原病式皆言盛氣寔邪即子元偉逐條分屬經臟前五條是言五臟之病次二條兼該上下之機後十二條分隸十二經證披卷豁然無庸擬議婁氏極言守真立言之偏誠非過論原夫五臟之病動關五志縱有旺氣概難寬邪例稱屬上屬下多由腎肝氣衰火乘心肺原非盛氣之謂至於十二經證雖由六淫居多未必不因七情擾動表裏已非一端主治豈能專一由是而推廣于金臟腑治例皆參肝臟虛寔五方惟第二方正邪自病餘皆熱移他臟即使證見兩端究不離肝之一本能達此義則病之所屬皎如列炬又何必飲上池水而後洞見五臟之癰結歟

長洲張 璐路玉衍義  
南沙席 世臣鄧客校

膽腑方 凡七類

膽腑脈論第一 論一首

論曰膽腑者主肝也肝合氣於膽膽者中精之腑也難經云膽者清淨之腑甲乙云中精之腑號將軍決曹吏重三兩三銖長三寸三分在肝短葉間下貯水精汁二合難經作三合能怒能喜能剛能柔目下窠大其膽乃橫凡腦髓髓骨脈女子胞此六者地氣之所生也皆藏於陰而象於地故藏而不瀉名曰奇恒之腑若胃大腸小腸三焦膀胱此五者天氣之所生也其氣象天故瀉而不藏此受五臟濁氣名曰傳化之府此不能久留輸瀉者也所謂五臟者藏精氣作甲乙而不瀉故滿而不能實六腑者傳化物而不藏故實而不能滿所以然者水穀入口則胃實而腸虛食下則腸實而胃虛故曰實而不滿滿而不實也 左手關上陽絕者無膽脈也苦膝疼口中苦眯目善畏如見鬼多驚少力刺足厥陰治陰在足大趾間或刺三毛中左手關上陽實者膽實也苦腹中不安身軀習習也刺足少陽治陽在足上第二趾本節後一寸是 膽病者善太息口苦嘔宿汁心澹澹恐如人將捕之咽中介介然數唾候在足少陽之本末亦見其脈之陷下者灸之其寒熱刺陽陵泉若善嘔有苦長太息心中澹澹善悲恐如人將捕之邪在膽逆在胃膽液則口苦胃氣逆則嘔苦汁故曰嘔膽刺三里以下胃氣逆刺足少陽血絡以閉胆却調其虛實以去其邪也 胆脹者脇下痛脹口苦太息 肝前受病移於膽肝欬不已則嘔胆汁 厥氣客於胆則夢闕訟甲乙云夢闕訟自利肝應筋爪厚色黃者膽厚爪薄色紅者膽薄爪堅色青者胆急爪更色赤者胆緩爪直色白無約者胆直爪惡色黑多敗者膽結 扁鵲云足厥陰與少陽為表裏表清裏濁其病若實極則傷熱熱則驚動精神而不守卧起不定若虛則傷寒寒則恐畏頭眩不能獨卧發於元水其根在胆先從頭面起腫至足方見治水篇中膽有病則眉為之傾病人眉系傾者七日死 足少陽之脈是動則病口苦善太息心脇痛不能反側甚



則面微塵體無膏澤足外反熱是為陽厥是主骨所生病者頭痛角頷痛目銳眦痛缺盆中腫痛腋下腫馬刀挾癭汗出振寒瘡胸中脇肋髀膝外至胫絕骨外踝前及諸節皆痛小指次指不用盛者則人迎大一倍於寸口虛者則人迎反小於寸口也

其經脈經筋支別已具  
膽虛實第二脈二首方九首  
灸法二首

膽實熱 左手關上脈陽實者足少陽經也病苦腹中氣滿飲食不下咽乾頭痛灑灑惡寒脇痛名曰胆實熱也

半夏湯 治胆腑實熱精神不守瀉熱方 半夏 宿薑各三兩 黃芩一兩 生地黃五兩 遠志 茯苓各二升 秫米一升 酸棗五合 右八味咀咀以千里長流水五斗煮秫米令蟹目沸揚之千餘遍澄清取九升

煮藥取三升半分三服 集驗方治虛煩悶不得眠無地黃遠志有麥門冬桂心各三兩甘草人參各二兩

衍義 實則邪氣之湊熱則陽氣之併千金半夏湯本乎靈樞治陽氣盛滿不得入於陰陰虛則目不瞑故用半夏滌除痰涎秫米滋培氣化加宿薑茯苓佐上二味潔淨胆府生地黃滋水制陽棗仁斂津化熱黃芩外疏風水遠志內通壯火逐流水以下趨是可無藉葦薪之炊矣

胆虛寒 左手關上脈陽虛者足少陽經也病苦眩厥痿足指不能搖臂不能起僵仆目黃失精眩暈名曰胆虛溫也

胆湯 治大病後虛煩不得眠此胆寒故也宜服之方 半夏 竹茹 枳實各二兩 橘皮三兩 甘草一兩 生薑四兩 右六味咀咀以水八升煮取二升分三服 一本有茯苓二兩紅棗十二枚

衍義 虛則胆氣不充寒則痰氣搏聚故用姜半溫胆枳茹清中甘橘鼓舞陽和開發陰凝之寒寒則痰陰之通稱 詳半夏溫胆二湯一治實熱一治虛寒總為濁陰阻積不能行清淨之令是以主治不出滌飲為務而寔熱反用秫米遠志虛寒反用竹茹枳實者蓋實非胆腑之本實故需流水煮秫米以通陰陽遠志統地黃以散實熱乃補中寓泄之法虛寒用半夏佐生薑以散積飲竹茹輔枳實以治旺氣旺

氣除而正氣自復。膽腑自溫乃瀉中寓補之法。非千金不能體內經之奧。而衍無上甚深微妙也。

千金流水湯 治虛煩不得眠方 麥門冬 半夏各三 茯苓四兩 酸棗仁二升 甘草 桂心 黃芩

遠志 草薢 人參 生薑各二 秫米一升 右十二味 咬咀以千里流水一斛 煮米令蟹目沸 揚萬

通澄清取一斗 煮取二升 半分三服

衍義 虛煩乃津液耗散病在膈上 故於半夏湯中除去生地黃之沉降 棗仁四倍以溫胆腑 加人參

甘草 麥門冬以滋津液 草薢入肝搜風 桂心佐遠志達腎以通陰陽 汗出乃已 靈樞法外法也

酸棗湯 治虛勞煩擾奔氣在胸中不得眠方 酸棗仁三升 人參 桂心 生薑各二 石膏四兩 茯苓

知母各三 甘草一兩 右八味 咬咀以水一斗 先煮棗仁取七升 去滓下藥 煮取三升 分三服 日三

衍義 金匱酸棗湯治虛勞虛煩不得眠 此治奔氣在胸中故退芍藥而進桂心 加人參助茯苓以降

逆氣 知母佐石膏以泄虛煩生薑辛散以行知母石膏之性也

治虛勞煩悶不得眠方 大棗二升 葱白七莖 右二味以水三升 煮取一升 去滓頓服

衍義 風熱之邪欲犯胆腑而煩悶不得眠者 取葱白以通陽氣 大棗以安中 精也

梔子湯 治大下後虛勞不得眠劇者顛倒懊欲死者方 仲景云發汗吐下後虛煩不得眠 若劇

子十四 豉七合 右二味以水四升 先煮梔子取二升 半內豉 更煮三沸 去滓 每服一升 安者勿更服

若上氣嘔逆加橘皮二兩 亦可加生薑二兩

衍義 下後虛煩懊懣不得眠 用梔子以清膈上虛煩 香豉以治心下懊懣

治煩悶不得眠方 枸杞白皮 生地黃各五 麥門冬 甘草 前胡各三 茯苓 知母各四 人參二兩

粟米 豉各半 右十味 咬咀以水八升 煮取三升 七分合分四服

衍義 香豉前胡以辟膈上之煩 地骨地黃門冬知母以清心下之熱 人參茯苓甘草粟米以安中 州

之氣 人參白虎湯中除去石膏 略兼七珍之製 正氣得補則虛煩自除



治虛勞不得眠方 酸棗仁 榆葉等分 右二味為末蜜丸如梧桐子大每服十五丸日再

**行義** 棗仁溫胆腑而生津榆葉疏風木而利竅胆氣安而眠自穩矣

又方 乾姜四兩為末湯和頓服覆取汗愈

**行義** 陽被陰埋煩不得眠則以乾姜之辛溫服取汗以發越陽氣煩悶自已眠臥自寧

灸法

胆實熱灸濁浴隨年壯穴在使胆膺傍行相去五寸 胆虛寒灸三陰交各二十壯穴在內踝上一夫

咽門論第三論一首

論曰夫咽門者應五臟六腑往還神氣陰陽通塞之道也喉嚨胞囊舌者並津液調五味之氣本也不可  
不研乎咽門者肝膽之候也主通五臟六腑津液神氣應十二時若臟熱則咽門閉而氣塞若腑寒則咽  
門破而聲嘶母薑酒主之方見六卷 熱則通之寒則補之若寒熱調和病不生矣

髓虛實第四論一首 方二首

論曰髓虛者腦痛不安髓實者勇悍凡髓虛實之應主於肝膽若其腑臟有病從髓生熱則應臟寒則  
羌活補髓丸 治髓虛腦痛不安胆腑中寒方 羌活 芎藭 當歸各三兩 桂心 二兩 人參 四兩 棗肉 如研

脂 羊髓 酥各一升 牛髓 大麻仁各二升 右十味先搗五種乾藥為末下棗膏麻仁又搗相濡為

一家下二髓並酥內銅鉢中重湯煎取為丸如梧子大酒服三十九日二服稍加至四十九

**行義** 補髓而用羌活之走督脈桂心之溫髓臟芎藭之逐腦風當歸之潤血脈麻仁之滋津液乳酥

牛羊髓之透骨髓參棗之溫脾氣脾氣溫而髓腑完固腦病自安然必其人素稟虛寒精血不充頭腦  
為風火往來之熱徑故立此方設無腦病不安專補髓虛又當從事八味腎氣等治矣

柴胡發泄湯 治體實勇悍驚熱主肝熱方 柴胡 升麻 黃芩 細辛 枳實 梔子仁 芒硝 各

淡竹葉 生地黃各一兩 澤瀉四兩 右十味吹咀以水九升煮取三升去滓下硝分三服

**行義** 髓臟有虛無實有補無瀉而此專用發泄以折強暴之威升麻柴胡發之於上枳實芒硝泄之於下黃芩梔子佐升柴為開發之上使竹葉澤瀉佐枳硝為分泄之下使獨取地黃保護真陰以制元陽細辛引入中精以通疏泄然必其人所稟偏陽壯火食氣勇悍過甚或執遺精數夜楚不寐故勅是方設腎氣本強當無驚熱之患即使水虧火旺又當從事六味都氣等治矣

風虛雜補酒第五方十九首

**巴戟天酒** 治虛羸陽道不舉五勞七傷白病能食下氣方 巴戟天 牛膝各三 枸杞根白皮 來門

**冬地黃** 防風各二 右六味並生用如無生者用乾者亦得咬咀以酒一石四斗浸七日去滓溫

服常令酒氣相續勿至醉吐慎生冷豬魚油蒜春七七日秋冬二七日夏勿服先患冷者加乾薑桂心各一斤好忘加遠志一斤大虛勞加五味子從蓉各一斤陰下濕加五加根皮一斤有石斛加一斤佳每加藥一斤即加酒七升此海每年九月中旬即合十月上旬即服設服餘藥以此酒下之大妙滓曝乾搗為末以此酒服方寸匕日三益佳常加甘草十兩佳虛勞加黃芪一斤○又方 巴戟天 生牛膝

各三 右二味咬咀以酒五斗淹浸服如前法

**五加酒** 治虛勞不足方 五加皮 枸杞根白皮 格一 右二味咬咀以水一石五斗煮取汁七斗分

取四斗浸麴一斗餘三斗用拌飯下米多少如常釀法熟壓取服之多少任性禁如藥法倍日將急

**行義** 上方雖補風虛不獨主陽事萎頓也方中巴戟天益精壯陽牛膝強筋通髓枸杞根退邪火堅筋骨麥門冬補服虛滋津氣生地黃治陰虛相火熾盛防風理脾衰內濕招風清酒本無定方不妨隨証增減○又方巴戟天生牛膝單取二味釀酒惟精氣固密者宜之 極勞傷肝五加皮酒專主勞傷

不足故凡勞傷六極概列於左

**天門冬大煎** 治男子五勞七傷八風十二痺傷中六極 一氣極則多寒痺腹痛喘息驚恐頭痛 二

肺極則寒痺腰痛心下堅有積聚小便利不利手足不仁 三脈極則顏色苦青逆意喜恍惚失氣狀似



悲泣之後苦舌強咽喉乾寒熱惡風不可動不嗜食苦眩喜怒妄言 四筋極則拘攣小腹堅脹心痛  
膝寒冷四肢骨節皆疼痛 五骨極則肢節厥逆黃疸消渴癰疽妄發重病浮腫如水病狀 六肉極  
則發狂如得擊不復言甚者至死復生眾醫所不能治此皆六極七傷所致非獨房室之為也憂患積  
思喜惡悲歡復隨風濕結氣咳時嘔吐食已變大小便不利時泄利重下溺血上氣吐下怎寒怎熱卧  
不安席小便赤黃時時惡夢夢與人共飲食入塚神室魂飛魄散筋極則傷肝傷肝則腰背相引難  
可俯仰氣極則傷肺傷肺則小便有血目不明髓極則陰痿不起住而不交骨極則傷腎傷腎則短氣  
不可久立陰痿惡寒甚者卵縮陰下生瘡濕癢搔不欲住此皆為腎病甚者多遭風毒四肢頑  
痺手足浮腫名曰脚弱一名脚氣醫所不治此悉主之方 天門冬 生地黃各切三斗半 白蜜三升  
酥三升 枸杞根切三斗洗淨以水一石五 麋骨一具傷碎以水一 石者取五斗 澄清 右六味並大斗銅器中微火先煎  
門冬地黃減半乃合煎取大斗二斗下後付散藥煎取一斗內銅器重塗煎令隱掌可丸如梧子太平  
旦空腹酒服二十九日二加至五十丸慎生冷醋滑猪雞魚蒜油麵等須擇四時王相日修合其和  
合一如第一卷和合篇說 散藥如左 茯苓 桂心 白朮 歲蕤 五加皮 菖蒲 遠志 澤  
瀉 薯蕷 柏子仁 人參 石斛 牛膝 杜仲 覆盆子 細辛 獨活 枳實 芎藭 大豆  
黃卷 黃芪 肉苁蓉 續斷 狗脊 胡麻子 草薢 白芷 橘皮 茯苓 巴戟天 石南各  
雨各 阿膠十兩 甘草六兩 蜀椒 薏苡仁各一 大棗一百枚 鹿角膠五兩 蔓荊子三兩 右三十八味治  
下節肉煎中有牛髓鹿髓各加三升大佳小便澀去柏子仁秦元二兩乾地黃六兩陰痿失精去歲蕤  
加五味子二兩頭風去柏子仁加菊花防風各二兩小便利陰氣弱去細辛加山茱萸二兩腹中冷加  
乾姜二兩無他疾依方修合凡此煎九月下旬採藥立冬日合服至五月上旬止若十二月臘日合者  
經夏至七月下旬止若停留經夏不壞當於舍北陰處入地深六尺填沙置藥中上加沙覆之則經夏  
不損也女人先患熱者得眠患冷者勿服

**〔衍義〕** 方中藥聚補肺氣散寒痺通血脈堅筋骨益精體充肌肉諸品可謂詳矣方中雖多溫

雖諸虛頑痹手足浮腫風毒脚氣咸可取服要非專療之方其後女人患冷者勿服詳後散中雖多溫

煖之品不敵先煎天冬生地之大劑甘寒且理陰處日久恐碍生育故也

**填骨萬金煎** 治內勞少氣寒疝裏急腹中喘逆腰痛方 生地三十斤 肉苁蓉 甘草 阿膠各一

麥門冬 乾地黄各二 乾姜 桑白皮 茯苓 桂心各半 人參 桔梗 五味子 附子各五 石斛

一斤牛髓 白蜜 十斤清酒 四斗麻子仁 三升大棗 一百五十當歸 十四乾漆 二十蜀椒 四兩 右二

十三味先以清酒二斗六升內桑根白皮麻子仁棗膠為刻識之又加酒一斗四升煮取至刻絞去滓

內蜜甕地黃汁湯上銅器煎內諸藥末半日許令可丸止大甕盛飲吞如彈丸一枚日三若夏月暑熱

煮煎轉味可以蜜與地黃汁和諸藥成丸如梧子服十五丸不知稍加至三十丸

**〔衍義〕** 前天門冬大煎雖統治勞傷六極究其所主腎病居多此方專主填補骨髓而於大煎方中採

取溫補藥味參入椒附之辛烈故可兼治寒疝裏急等疾

**又方** 治男子風虛勞損兼肺氣方 甘草 一斤 石斛 防風 苁蓉 山茱萸 茯苓 人參 薯蕷

各四 桂心 牛膝 五味子 兔絲子 巴戟天 芎藭 各三兩 生地 骨皮 生地黄汁 各一 丹參 二

兩 生麥門冬汁 牛髓 白蜜 各三 生薑汁 胡麻 升水二斗煮取四 右二十二味先煮地黃地骨

皮胡麻汁泥半內牛髓蜜薑諸冬等汁微火煎餘八升下諸藥散和令調內銅器中湯上煎令可丸如

梧子大酒服三十丸日二服加至五十丸

**〔衍義〕** 此治男子風勞虛損雖用防風入於參苓冬地苁蓉五味丸劑中僅可疏通藥性法無散邪之

方也

**小鹿骨煎** 治一切虛羸皆服之方 鹿骨 一具 枸杞根 切二 右二味各以水一斗別器各煎汁

五升去滓澄清乃合一器同煎取五升日二服盡好將慎皆用大斗



地黃小煎

治五勞七傷羸瘦乾削方

乾地黃升

胡麻油半斤

蜜二升

猪脂一斤

右四味銅器中

煎令可丸

如梧子大飲服三九日二稍加至十九丸久久常服大有益瘦黑者肥充

陸抗膏

治虛冷枯瘦身無精光虛損諸不足方

牛髓

羊脂各二升

酥經心錄用猪脂

生薑汁

白蜜各三升

右五味

先煎酥合熟次內薑汁次內蜜次內羊脂牛髓後微火煎三上三下令薑汁水氣盡即膏成攪

令凝止

溫酒服隨人能不限多少令人肥健發熱也經心錄云治百病勞虛風濕補益神效男女通可服之良

枸杞煎

補虛羸久服輕身不老神驗方

九月十日取生濕枸杞子一升

清酒六升

煮五六沸

出取熟研濾取汁令其子極淨曝令乾搗末和前汁微火煎令可丸酒服二方寸匕日二加至三匕亦可丸服

三十九

夏姬杏仁煎方

太上肘後云經方名杏金丹

杏仁三升內湯中去皮尖雙仁熟搗盆中水研取七八升汁以鐵釜置

塘火上取羊脂四斤就釜內磨消內杏仁汁溫之四五日色如金狀餌如彈子日三服百日肥白易容

人不能識○又方

杏仁去皮尖熬黃搗服如梧子日三治枯瘦令人潤澤無所禁咳逆上氣喉中

百病心下煩不得咽物者得茯苓款冬紫苑并力大良

其藥生熟熟冷喉中如有魚肉者亦服之

桃仁煎方

桃仁蜜格一酥半斤

胡麻三升

牛乳五升

地黃十升

右六味合煎如餲旋服之

治五勞七傷方

白羊頭蹄一具淨治以草火燒令黃

胡椒華菱

乾姜各一

葱白一升

豉二升

右

七味先以水煮頭及蹄半熟即納藥者令極爛去藥冷煖任性食之日一具七日凡七具忌生冷酢滑鹽

治虛勞補方

羊肚一具

白朮一升

右二味以水二斗煮取六升每服二升日三為度○又方

雞白切一斤

右二味以水七升煮取三升分三服小取汗

膏煎

治虛羸瘦方

不中水猪肪煎取一升內葱白一握煎令黃出內盆中平旦空腹服訖煖覆臥至

睡時食白粥粥不得稀過三日服補藥方如左

羊肚一具

羊脊膂肉

麴半斤

枸杞根一斤

右四

味以水三斗煮枸杞取一斗去滓細切肚等內汁中著葱豉鹽如羹法合煎看如稠糖即好食之七日

禁如前法

補虛方

猪肚 一具 人參 五兩

蜀椒

乾姜

白朮

白朮

白朮

白朮

白朮

白朮

白朮

和米內肚中縫合勿令泄氣取水四斗半緩火煮爛當腹食之大佳煎下少飯

衍義

小兒骨煎助陽壯骨

地黃小煎滋陰潤燥

陸抗膏肓補虛

枸杞煎搜風逐濕

夏姬

杏仁煎溫脂豐肉

合桃仁煎等藥煮調血氣

白羊頭蹄和椒姜葱豉溫養百骸

羊肚白朮專培

脾氣

香豉雞白開泄痺著

膏煎補虛虛藏

補虛方專補脾胃陽氣藉葱白以通少陽生發之氣

吐血第六

論二首

方二十九首

針灸法十五首

論曰

康丘云

吐血有三種

有內衄有肺沮有傷胃內衄者吐血如鼻衄但不從鼻孔出是近從心肺間津

液出還流入胃中或如豆羹汁或如切蠟血凝停胃中因即滿悶便吐或去數升至三斗者是也得之於

勞倦飲食過常所為也肺疽者或飲酒之後毒滿悶吐之時血從吐後出或一合半升是也傷胃者因飲

食大飽之後胃中冷則不能消化不能消化便煩悶強嘔吐使所食之物與氣共上衝感因傷裂胃口吐

血色鮮正赤腹絞痛自汗出其脈緊而數者為難治也問曰病胸脇支滿妨於食病至則先聞腥臊臭出

清液先唾血四肢清目眩時時前後血病名為何何以得之對曰病名血枯此得之年少時有所大奪血

若醉入房中氣竭而肝傷故使月事衰少不來也治以烏鰂骨蘭茹二味并合丸以雀卵大如小豆以五

丸為後飯飲以鮑魚汁利腸中及傷肝也凡吐血後體中但自憊憊然心中不悶者輒自愈假令煩躁心

中悶亂紛紛嘔吐顛倒不安醫工又與黃土湯阿膠散益加悶亂卒致不濟如此悶者當急吐之

急吐方

瓜蒂 二分 杜衡 人參 各一分

右三味治下篩服一錢七或無水漿但得下即可贏人小減之

吐去青黃或吐血一二升無苦

行義

吐血雖有三種之分而委積鬱發則一內衄得之勞倦所傷血從心肺流入於胃肺疽得之飲

酒過劇血從吐出傷胃得之飲食過飽衝激損裂雖病關肺胃總由肝傷不能藏血膽氣逆滿而上是



以列之胆腑更有房勞氣竭肝傷內有乾血而吐後煩躁悶亂嘔吐不安者必於所吐未盡急當以杜衝開結導滯人參助胃祛邪鼓舞公帝上涌之力然後用黃土湯阿膠散柏葉湯四烏鯁一蘭茹丸等方方合病情始無妨

黃土湯

治吐血方

伏龍肝雞子桂心乾姜當歸芍藥白朮甘草阿膠芎藭生地

黃八兩

細辛半兩吳茱萸半升

右十二味咬咀以酒七升水三升合煮取三升半去滓內膠煮取三

升分三服亦治血衄

又方治卒吐血及衄血方

伏龍肝八兩

甘草

乾姜仲景作附子

白朮

阿膠

黃芩各三兩

右六味咬咀以水一斗煮取三升去滓下膠分三服

衍義

按金匱黃土湯治先便後血此必傳寫之誤以陽衰不能統陰故血先便而下經云陰絡傷則血內溢因陰絡傷則營血不能循經而轉少陽之樞乃下走二腸故宜黃土附子以溫水土二臟也干

金取治內衄於本方中除去附子黃芩參入姜桂辛黃佐伏龍肝以散結芎藭芍藥佐膠地以和營以無附子之雄烈且有地黃之滋血故無藉於黃芩也又方除去附子地黃加入乾姜以溫中散結仍佐黃芩以散少陽之風熱也

金匱黃土湯惟附子一味難於擬投所以千金改用乾姜相配地黃深得陰陽兼濟之妙必集方時偶失此味決非故為裁去也設見血色晦淡則為陽不統陰附子又為必需

生地黃湯

治憂毒嘔血煩滿少氣胸中痛方

生地黃一斤大棗五十枚

阿膠

甘草各三兩

右四味咬咀以水一斗煮取四升分四服日三夜一

衍義

方下雖治憂毒嘔血而實肺疽吐血之的方酒氣逆滿則肝浮胆橫每致動肝悖亂生地黃治

傷中血痺阿膠毛心腹內崩甘草和臟腑寒熱大棗子和氣安中藉此以統地黃歸就丹田以資少陽生發之氣也

堅中湯

治虛勞內傷寒熱嘔逆吐血方

糖三斤芍藥半夏生薑甘草各三兩

桂心二兩

大棗十五枚

右七味咬咀以水二斗煮取七升分七服日五夜二

方無甘草桂

心有生地黃

甘草

芍藥

半夏

生薑

甘草

桂心

大棗

**〔衍義〕** 堅中者中氣為飲食所傷痰血搏聚於胃故用小建中加半夏以滌涎垢易桂心以散結中氣清淨而胆腑攸寧矣

**治噫止唾血方** 石膏四兩 厚朴三兩 麻黃 生薑 五味子 半夏 杏仁各二 小麥一升 右八

味咬咀以水一斗煮麻黃去沫澄取七升內藥煮取二升半分再服

**〔衍義〕** 虛氣上逆所以噫氣不除今噫止唾血必是肝胆之氣鬱發而反動血故用厚朴麻黃杏仁間發肺氣於上生薑半夏清理痰氣於中更以石膏疎泄胃熱五味收斂虛逆小麥補益肝氣不獨滋麻朴之散兼斂虛氣之逆陰隨陽運不須更用血藥也

**治吐血胸中塞痛方** 芍藥 乾姜 茯苓 桂心 當歸 大黃 芒硝各三 阿膠 甘草 人參各

兩 麻黃一兩 乾地黃四兩 蟲蟲 水蛭各八枚 大棗二十枚 桃仁一百枚

取四升分五服日三夜二

**〔衍義〕** 胸中陽位非陰邪留結之處但塞痛又非無形氣病洵為血隨氣奔而留滯於上故用麻黃硝

黃開泄上下姜桂蟲蛭散堅攻積參苓甘棗膠歸芍地桃仁平調氣血以助破血之力也

**相葉湯** 治吐血內崩上氣面色如土方 乾姜 阿膠 柏葉各二 艾一把 右四味咬咀以水五升

煮取一升內馬通汁一升煮取一升頓服仲景不用阿膠小品

**〔衍義〕** 陰邪留積於陽位所以胸滿吐血千金乃祖金匱柏葉湯取柏葉以清肝火乾姜以開胸滿艾

葉以散陰結馬通以逐瘀滯更加阿膠以治內崩寒熱兼濟補瀉兼施之妙無逾於此

**治吐血酒客溫疫中熱毒乾嘔心煩方** 蒲黃 犀角 栝萸根 甘草各三 葛根 桑寄生各二 右

六味咬咀以水七升煮取三升分三服

**〔衍義〕** 犀角蒲黃治吐血毒熱栝萸甘草主乾嘔心煩葛根桑寄生為酒客失血之車藥即感溫疫毒

邪亦不出此但寄生直者絕不易得昔人以蘆根汁代用亦頗有效



澤蘭湯

治傷中裏急胸脇攣痛欲嘔血時寒時熱小便赤黃此皆傷於房勞故也

澤蘭 糖各一桂

心 桑根白皮

人參

各二兩

遠志

一兩

生薑

五兩

麻仁

一升

右八味

咀咀以醇酒一斗五升煮取七

升去滓內糖食前服一升日三夜一勿勞動

衍義

房勞氣竭肝傷非壯其中氣雖破血而血不除清火而火不散故用人參膠飴以滋潤澤桂心

之瀉血桑皮麻仁以滋遠志生薑之利穀尤妙在酒煮以通血脈濡滯也

治忽吐血

一二口或是心衄或是內崩方

蟾蜍

五枚

牛膝

生王不留行

牡丹

麥門冬

各二兩

芍藥 乾地黄

各四兩

續斷

阿膠

各三兩

右十味

咀咀以生地黃汁五升

赤馬通汁三升

煮取三升

分

三服不瘥更合數劑取瘥止

又方

熟艾

三雞子許

水五升

煮取二升

頓服

又方

燒亂髮灰水

服方寸匕日三服

集驗云治舌上忽出血如

蟬孔者亦治小便出血者

治虛勞吐血方

生地黃肥者五升搗以酒一升煮沸三上三下去滓頓服

又方

凡吐血服桂心末

方寸匕日夜可二十服

肘後亦云

又方

生地黃五斤絞取汁微火煎三沸投白蜜一升

又煎取三

升每服半升日三主胸痛百病久服佳

又方

柏葉一斤以水六升煮取三升

分三服

又方

生

地黃汁

半升

川大黃末

方寸

右二味

先溫地黃汁一沸次內大黃攪和空腹頓服

日三瘥

衍義

吐血起於倏忽且勢緊急必是肝傷不能藏血乘風木之邪而上湧故用草薢入肝搜風續斷

入肝通血引領蟾蜍牛膝王不留行力行迅掃免致留舍血室而為痼疾地黃阿膠牡丹芍藥養正和

營麥門冬下通腎氣上達肺津滋而不壅寒而不滯以本經原有治心腹結滯之功也

又方 熟艾

散陰凝之血 髮灰逐竅逐之瘵 生地黃涼潤止血酒以行之可無凝滯之患 桂心為散不經酒

煎可無動血之虞 生地黃投蜜同煎治胸痛諸病必得鮮者方可絞汁若乾地黃須酒漬搗絞方能

行血 柏葉寒而不凝辛而能散不妨少佐生艾適合金匱成法 生地黃汁得大黃末導之下行少

佐乾姜尤得三金妙用





月不得宿浸藥酒客勞熱發痔下血其穀道熱者去生薑用生地黃代之凡進三兩劑

**行義** 虛勞失血而致上氣欲絕亡脫已多雖面黑如漆心枯癯色天非浮腫於晦之比故宜黃芪補

虛與藥為窮和血生薑甘草調和血氣也而生薑持家無忌以其辛溫走表發越陽氣故也

竹茹湯 治吐血衄血大小便下血方 竹茹二斤 甘草 芎藭 黃芩 當歸 芍藥 白朮 人

參 桂心 各一 右九味咬咀以水一斗煮取三升分四服日三夜一

**行義** 竹茹黃芩上清虛熱桂心下導虛陽芎歸與藥引血歸經參朮甘草資氣於胃上下失血無不

宜之

治九孔出血方 搗荊葉汁酒服二合一本作

**行義** 血從竅出明係風火交煽故用荊葉因勢利導使風火之邪仍從竅竅而去也

治吐血蟲毒痔血女子腰腹痛大便後出血者方 取東向蘘荷根搗絞取汁二升頓服立瘥

**行義** 蘘荷辛散不獨殺蟲并可以去血中之滯

赤小豆散 諸下血生見血後見便為遠血宜服黃土湯方見本門 先見便後見血此近血宜服赤小

豆散方 赤小豆三升當歸三兩 右二味治下篩每服方寸匕日三

**行義** 先便後血血從小腸而溢大腸為丙火淫金之象故用赤小豆之清熱利水金匱治畜血發感

之毒故浸令芽出千金治便後下血故熬令折佐以當歸司統握之樞則血有所歸而不致於散漫也

乾地黃丸 治吐血虛勞胸腹煩滿疼痛瘀血往來臟虛不受穀氣逆不得食補中理血方 乾地黃三

兩 當歸 乾姜 麥門冬 甘草 黃芩 厚朴 乾漆 枳實 防風 大黃 細辛 白朮 各一

兩 茯苓 前胡 六人參 五蟲 麋蟲 十枚 右十八味為末蜜丸如梧子大先食服十九日二稍加

**行義** 方下補中理血四字則諸藥方中可不言而喻蜜丸日進三服深得峻藥緩攻之妙

麥門冬 治凡下血虛極方 麥門冬 白朮 芍藥 阿膠 各三 大棗 二十

右七味以水八升煮取二升分再服

〔衍義〕下血虛極不用參朮而用牡蠣以固下焦之虛脫并用白朮以培中氣之內涵膠芍養血開冬  
滋津甘草大棗白朮之匡佐耳

鐵灸法

胸中痰血指滿脇脇痛不能久立膝虛寒三里主之 嘔血肩脇痛口乾心痛與背相引不可咳嗽引腎  
痛不容主之 心膈下嘔血上管主之 吐血振寒噤乾大淵主之 嘔血太陵及郄門主之 嘔血上  
氣神門主之 內傷吐血不足外無膏澤刺地五會 虛勞吐血灸胃管三百壯亦主勞嘔逆吐血少食  
多飽多唾百病作多唾 吐血唾血上氣咳逆灸肺膺隨年壯 吐血嘔逆灸手心主五十壯千金翼云 吐血腹痛雷鳴灸  
天樞百壯 吐血唾血上氣咳逆灸肺膺隨年壯 吐血嘔逆灸手心主五十壯千金翼云 凡口鼻出  
血不止名腦衄灸上星五十壯入髮際一寸是 大便下血灸第二十椎隨年壯

萬病丸散第七 論二首 方十三首

論曰聖人之道以慈濟物博求眾藥以備不虞倉卒之際應手皆得故有萬病方焉余以此方散在群典  
乃令學者難用討尋遂鳩撮要妙以為斯品庶使造次可得好事君子安不忘危無事之暇可預和合以  
備疴瘵也

羌花散 治一切風冷瘧飲癰癰瘡瘡癰萬醫所不治者皆治之一名登仙酒 一名三建 一名大排風散 羌花 桔梗

紫菀 大戟 王不留行 烏頭 附子 天雄 白朮 五加皮 薤花 狼毒 莽草俗名魚 藥又名 石南 石長

鼠藥 荊 栝藹根 躑躅 麻黃 白芷 荊芥 茵芋各十兩 車前子 石斛 人參 石南 石長

生各七 蛇床子 草薢 牛膝 狗脊 菟絲子 菴蓉 秦艽 五 藜蘆 薯蕷 薤苡仁 巴戟

天 細辛 當歸 芎藭 乾地黄 食茱萸 杜仲 厚朴 黃芪 山茱萸 乾姜 芍藥 桂

心 黃芩 吳茱萸 防己 遠志 蜀椒 獨活 五味子 牡丹 橘皮 通草 柴胡 柏子



仁 薑本

薑蒲

茯苓

續斷各二

右六十四味

夏方師曰本食藥莫有勝花

並不治不擇不免

不數但振去塵土搗以細羅下之即與服凡是猪雞五辛生冷酢滑任意食之無所忌惟諸豆香殺藥

不得食

藥散

二兩

細麵末

二升

糯米

三升

真酒

五升

先以三大斗水煮米作粥須極熟冬月揚去火

氣春月稍涼夏月揚絕火氣令極冷秋稍溫次下麵末搗使和柔相得重下藥末搗使突突然好熟乃

下真酒重搗使散盛不津器中以淨杖攪散經宿即飲直以布蓋不須密封凡服藥平旦空心服之以

知為度微覺發動流入四肢頭面習習然為定勿更加之如法服之常常內消非理加增必大吐利服

散者細下篩服一方寸匕和水酒漿飲無知稍增以知為度服丸者細下篩蜜凡如梧子每服七丸但

此藥或丸或散皆可惟不得作湯若欲得補不令吐瀉但取內消大蓋勝於五石兼治諸病功效一等

然作酒服佳於丸散美而易服流行迅疾若有患人抱病多時積滯宿食大塊久氣癥瘕積聚一切癰

結者即須一兩度增加令吐下泄去惡物盡後少服內消便為補益凡服藥慎勿早食早食觸藥必當

大吐吐亦無損須更還定但令人咽喉痛三兩日後始瘥服者宜知之平旦服藥至午時待藥勢定宜

先食冷飯進飲冷漿水及午後藥勢一定任意熟食無忌若藥勢未定不得強起行行即運悶旋倒眠

花暗然迷絕此是逐風所致不須疑怪風盡之後縱令多服更佳不然悶時但坐但臥須臾醒然不異

於常若其定後任意所之若必便旋當策杖如廁少覺悶亂即須坐定坐定即醒醒乃可行病在膈上

久冷癥瘕積聚癥結痞瘕宿食堅塊咳逆上氣等一切癰結重病終日吐唾逆氣上衝咽喉此皆胃口

積冷所致三焦腸間宿冷以成諸疾如此例便當吐却此等惡物輕者一度下轉藥令吐却若重者三

五度下之令盡其吐狀法初吐冷氣沫次吐酢水須更吐黃汁大濃甚苦似牛涎病若更多者當吐出

紫痰似紫草汁非常齒斷有此者列入死道不久定死若有症者吐血陳久黑血新者鮮血吐罷永瘥

不發下此吐藥當吐時大悶須臾自定即不虛懼得冷飲食已耳不虛聲手足不痺若胃口有前件等

病勢久成者正當吐時有一塊物塞胸喉吐復不出咽復不入當有異種大悶更加一二合藥酒重投

藥下少時即當吐出塊物如拳大臭似爛雞子中黃著地以刀斫碎重者十餘塊輕者三五枚凡人有  
上件等病若服藥時不吐却者當時雖得漸損一二年後還發為此故須下吐藥欲服取吐者當以春  
三月服之春宜吐故也凡膈上冷小腹滿腸鳴膀胱有氣冷利多者須加利藥於此酒內服之便去惡  
物利法出泔淀如清水如黃汁如青泥輕者一兩度下利藥得利以盡病源重者五度下利藥令頻得  
大利以盡病根利法旦起服藥比至晡時可得兩三行即斷後服凡長病人瘦弱虛損老人貴人此等  
人但令少服積日漸漸加增令多內消瘵除久病不加吐利也藥若傷多吐利困極不止者水服生大  
豆末方寸匕即定及藍葉烏豆葉嚼以咽之登時即定此據大困時用之小困時不須也凡在世人有  
虛損陽衰消瘦骨立者服之非常補益旬月之間肌膚充悅顏色光澤髓溢精滿與少壯一等凡眾病  
萬病皆除治一切風病癰節風二十兩和酒五斗賊風熱風大風上同偏風癰風癱緩風十二兩和  
酒三斗此七種並帶熱須如冷藥押使常數便利賊風掣癱八兩和酒二斗濕風周痺上同腰脚攣痛  
十二兩和酒三斗筋節攣急八兩和酒二斗重病後汗不流初覺三服一服一盞年久服一升食熟食  
如錐刀刺者八兩和酒二斗口喝面皮一眼不合者初得四兩和酒一斗年久十二兩和酒三斗頭面  
風似蟲行又似毛髮在面上者八兩和酒二斗起即頭旋良久始定者四兩和酒一斗心悶嘔逆項強  
者風在心藏欲風欲雨便即先發者八兩和酒二斗因瘡得風口強脊脈急者五服即定一服一盞治  
一切冷病積冷稍瘦者四兩和酒一斗強者六兩和酒一斗半痰飲症瘕上同宿食嘔吐四兩和酒一  
斗癰瘕腸鳴噎八兩和酒二斗久症及久勞上同癰痔塊堅冷嗽上氣二十兩和酒五斗奔豚冷氣六  
兩和酒一斗半噎及冷痢上同卒中惡注忤心腹脹氣急欲死者三服定一服一盞大吐吐鮮血瘕氣  
上同蠱毒五服定一服一盞溫瘧瘕瘕並上同五服永瘥治婦人諸風諸病等並依前件帶下十二兩  
和酒三斗崩中六兩和酒一斗半月開不通及冷病不產並上同斷緒不產八兩和酒二斗月水前後  
不調乍多乍少亦令人絕產四兩和酒一斗產後風冷不產六兩和酒二斗若重者八兩和酒二斗甚



者十二兩和酒三斗大重者子宮下垂十六兩和酒三斗

論曰遠覽前古莫覩此方有高人李孝隆者自云隋初受之於定州山僧惠通道人此後用之大有效驗秘而不傳但得其藥其方不可得而聞始吾得之於靜智道人將三紀於茲矣時俗名醫未之許也然比行之極有神驗其用藥殊不倫次將服節度大不近人情至於救急其驗特異方知神物效靈不拘常制至理闢感智不能知亦猶龍吟雲起虎嘯風生此其不知所以然而然雖聖人莫之辨也故述之需末以貽後世好學君子詳之非止救物兼深抑亦庶幾於博見也已

行義

崇古立方有一方專主一病者有一方兼主數病者此方統主萬病而千金錄之胆腑門者以

所主諸證風木受病居多所用諸藥祛垢滌痰最猛胆為清淨之腑平時痿積固疾得此一旦豁然他如玉壺備急太乙神精紫葛等方同列胆腑無非迅掃陳積復歸清淨之意而此首主癘風方中烏頭附子天雄破散堅積乾姜細辛蜀椒蛇床吳萸食茱萸開通濕痺麻黃藥劑躑躅狼毒莽草茵芋石南石長生搜逐癘風羌花羌花藜蘆大戟防己王不留行攻利毒水狗脊草薢續斷秦光石斛五加柏仁薏苡堅強筋骨獨活黨本白芷荆芥柴胡黃芩葛蒲桔梗杜仲五味滋培腎精白朮厚朴橘皮茯苓車前黃牛膝紫苑流行血脈巴戟遠志從蓉菟絲薯蕷山萸杜仲五味滋培腎精白朮厚朴橘皮茯苓車前通草健運脾氣人參黃芪鼓舞諸味其烏附天雄椒莢姜桂之類過烈則以芎歸芍地等味滋之躑躅狼毒茵芋莽草之類過劣則以黃芩桔梗石斛柏子仁等味化之羌花羌花大戟防己之類過利則以白朮茯苓薯蕷薏苡等味濡之麻黃獨活之類過散則以黃芪五味等味收之蛇床石南巴戟從蓉之類過補則以車前通草等味泄之諸藥之性味雜陳非藉藜蘆細辛芍藥不能激發人參使之克應孰謂相反不宜正用哉若以人參為補蓋之用殊非立方之本意矣但方中茵芋藥劑羌花石長生等味近世罕得信夫全璧之難求也華元化雲母丸于三人丸方後有云吾嘗服一二劑大得力家貧不濟乃止又時無藥足調十五味仍得服之可知大劑方中不能拘執其全也觀翼方方後有加減法二十

九條非若萬病丸之一定不可損益也方以芫花立名性專利水通痺能殺癰風蠱毒方中風藥最多故翼方名大排風散方中烏附天雄並用故名三建散以之釀酒能主癰風言得惡疾即當棄家修道往往疾愈成仙故又名登仙酒云

耆婆萬病丸

治七種瘡塊五種癰病十種瘵忤七種飛尸十二種蠱毒五種黃病十二種瘧疾十種水

病八種大風十二種瘡癰并風入頭眼暗漠漠及上氣咳嗽喉中如水雞聲不得眠臥飲食不作肌膚五臟滯氣積聚不消壅閉不通心腹脹滿及連胸背鼓氣堅結流入四肢或復又心膈氣滿時定時發十年二十年不瘥五種下痢瘡蟲寸白諸蟲上下冷熱久積痰飲令人多睡消瘦無力陰入骨髓便成滯患身體氣腫飲食嘔逆腰脚酸疼四肢沉重行立不能久婦人因產冷入子藏藏中不淨或閉塞不通胞中瘀血冷滯出流不盡時時疼痛為患或因此斷產并小兒赤白下痢及狐臭耳聾聾等病此藥以三丸為一劑服藥不過三劑萬病悉除說無窮盡故稱萬病丸 牛黃 麝香 犀角 桑白皮

茯苓

乾姜

桂心

當歸

芎藭

芍藥

甘遂

黃芩

蜀椒

細辛

桔梗

巴豆

前胡

紫苑

蒲黃

葶藶

防風

人參

硃砂

雄黃

黃連

大戟

禹餘糧

芫花

各二

蜈蚣六

節石蜥蜴

一寸

芫青

枚十四

右三十一味

崔氏無黃芩桑白皮桔梗防風為二十七味

並令精細

牛黃麝香犀角硃砂雄黃

禹餘糧

芫花

各二

蜈蚣六

節石蜥蜴

禹餘糧巴豆別研餘者合搗重絹下篩以白蜜和更搗三千杵密封之破除日平旦空腹酒服三丸如梧子大取微下三升惡水為良若卒暴病不拘平旦早晚皆可服但以吐利為度若不吐利更加一丸或至三丸五丸煩吐利為度不得限以丸數病強藥少即不吐利更非他故若其發遲以熱飲汁投之若吐利不止即以酢飯兩三口止之服藥忌陳臭生冷酢滑粘食大諫猪雞魚狗牛馬驢肉白酒行房七日外始得一日服二日補之得食新米並根汁作羹粥臠飲食之三四頓大良亦不得金飽產婦勿服吐利以後常須開口少語於無風處溫床暖室將息若旅行卒暴無飲以小便送之為佳若一歲以下小兒有疾者令乳母服兩小豆亦以吐利為度近病及卒病皆用多積久疾病即少服常取微瀉利



為度 卒病欲死服三九如小豆取吐利即瘥 卒得中惡口噤服二九如小豆煖水一合灌口令下  
 微利即瘥 諸有疫飲者服三九如小豆 五疰鬼刺客忤服二九如小豆不瘥間日更服三九 男  
 女邪病歌哭無時腹大如妊娠服二九如小豆日三夜一問食服之 大痢服一九如小豆日三 猶  
 鬼病服三九如小豆未瘥更服 蠱毒吐血腹痛如刺服二九如小豆不瘥更服 瘡病未發前服一  
 九如小豆不瘥後日更服 冷瘧服三九如小豆日三皆間食服之當令微瀉利 宿食不消服二九  
 如小豆取利 癰瘕積聚服二九如小豆日三皆間食服之以利瘥止 拘急心腹脹滿心痛服三九  
 如小豆不瘥更服 上氣喘逆胸滿不得臥服二九如小豆不瘥更服 疳濕以一九如杏仁大和酢  
 二合灌下部亦服二九如小豆 鼻衄服二九如小豆即瘥 水病服三九如小豆日三皆間食服之  
 瘥立人弱隔日服之 頭痛惡寒服二九如小豆覆取汗 傷寒時行服二九如小豆日三間食服之  
 小便不通服二九如小豆不差明日更服 大便不通服二九如小豆又內一九下部中即通 耳  
 聾聾耳以棉裹一九如小豆核大塞之瘥 癰腫丁腫破腫內一九如麻子大日一傳其根自出瘥凡  
 丁腫血出以猪脂和傅有孔內孔中瘥止 胸背腰脇腫以酢和傅腫上日一易又服二九如小豆  
 癰瘡先以酢洗後或藥和猪脂傅之 瘰癧瘡有孔以一九如小豆內孔中兼和猪脂傅之 痔瘡取  
 藥塗綿筋上內孔中日別易瘥止 癰癰以酢和傅上瘥 惡刺以一九內瘡孔中即瘥 諸冷瘡積  
 年不瘥者以酢和塗瘡上作餅貼之瘥 瘡癰先以布揩汁出後取酢和傅上日一易立瘥 蠍螫以  
 少許傅螫處 蜂螫以少許傅螫處 蝮蛇螫取少許內螫處若入毒入腹心悶欲絕者服三九如小  
 豆 婦人諸疾胞衣不下服二九如小豆取吐利即出 小兒客忤服二九如米粒和乳汁傅乳頭令  
 啍之 小兒驚癇服二九如米粒塗乳頭令啍之隨兒大 小兒乳不消心腹脹滿服二九如米粒塗  
 乳頭令啍之不瘥更服

衍義

此方首治七種癰疽五種癰病十種瘡忤七種飛尸十二種瘡疾十種水病八種大風種種諸

病方中牛黃麝腦開關利竅犀角黃連消痰散熱硃砂雄黃鎮驚豁痰蜈蚣蛇蝎羌青攻毒祛風巴豆  
芫花甘遂大戟葶藶破積利水乾姜桂心蜀椒細辛開痺逐濕芫花當歸芍藥蒲黃紫苑和血通經桑  
皮前胡防風黃芩茯苓桔梗透表達氣人參助諸藥力禹餘糧固諸藥性共襄搜根剔弊之功凡係  
實症便可諒用不必拘以方例等治也予嘗用治十年二十年痼疾如伏痰懸飲當背惡寒無不神應  
肢體沉重腰脚痠痛服之即捷而堅積痞塊雖未全瘳勢亦大減惜乎世罕知用耳

治一切蠱毒妖邪鬼症有進有退積聚堅結心痛如蠶不得坐臥及時行惡氣溫病風熱瘴氣相染滅門  
或時熱如瘡癰咽腫塞不下飲食或煩滿短氣面目時赤或目下赤黃或乾嘔或吐逆或下赤白痢或  
熱氣如雲或欲狂走自殺或如見鬼或手足清冷或熱飲冷水而不知足或使手撮空或面目癰腫生  
瘡或耳聾目暗頭項背脊強不得屈伸或手足卒癢或百鬼惡症孤魅走入皮膚痛無常處方 麝香  
丹砂 特生礬石 馬目毒公即鬼馬齒礬生或起雄黃各一巴豆粒十 青野葛本三兩一 右八味  
為末別搗巴豆如膏合搗五千杵內蜜更搗一萬杵丸如小豆大強者服二丸弱者服一丸入腹雲行四  
布通徹表裏從頭下行周徧五臟六腑魂魄靜定情性得安病在膈上吐膈下利或蛇蠱諸毒下五色  
熱水或不吐下便微漸除癘萬蠱妖精狐狸鬼魅久痼癰塊皆消散在表汗出在裏直下忌名其藥故  
此方無名也

〔衍義〕方中丹砂雄黃馬目毒公野葛麝腦皆辟除瘴癘蠱毒惡毒鬼精之物特生礬石馬齒礬並治  
堅癖積聚巴豆蕩練臟腑隨病之表裏上下而為搜逐無堅不克無投不應洵難以舉稱其實德青野  
葛即是鈎吻其性大毒不用可也

仙人玉壺丸方 雄黃 藜蘆 丹砂 礬石 巴豆 八角附子略二 右六味先搗巴豆三千杵次  
內礬石又搗三千杵次內藜蘆三千杵次內附子三千杵次內雄黃三千杵次內丹砂三千杵內蜜又  
搗萬杵佳若無丹砂內真珠四兩代之每內藥輒治五百杵內少蜜惡藥飛揚治藥用王相吉日良時



童子齋戒為良天晴明無雲霧白晝藥成封密器中勿泄氣著清潔處大人服九如小豆欲下病者宿勿食平旦服二九不知者以粥暖飲發之令下下不止飲冷水以止之病在膈上吐膈下利或噫氣即已若欲漸漸除及將服消病者服如麻子大二九卒中惡欲死不知人以酒若湯和二九強開口灌喉中鬼症病百種不可名漿水服二九日再男女與鬼交通歌哭無常或腹大經絕狀如姪娘漿水服二九如胡豆大日三夜一又苦酒和令如飴每旦傳手間使心主心主在手腕後第一約橫文當中指至暮又傳足三陰三陽及鼻孔七日愈又漿水服麻子大一九日三服三十日止惡風逆心不得氣息服一丸腹中有蟲欲鑽腸出狀急備一止一作是惡風二九憂毒氣結在胸心苦連噫及咳胸中刺痛服如麻子大三九日三腹痛脹滿不食服二九心腹切痛及心中熱服一丸如麻子大日三服五日瘥風疝寒疝心疝弦疝每發腹中急痛服二九卒上氣氣但出不入并逆氣衝喉胃中暴積聚者服二九日再癖飲痰飲平日服一丸腹中三蟲宿勿食明旦炙牛羊肉三嚙食之須臾進三九如胡豆大日中當下過日中不下更進二九爛蟲必下卒關格不得大小便欲死服二丸卒霍亂心腹痛煩滿吐下手足逆冷服二丸傷寒嗽澀時氣熱病溫酒服一丸厚覆取汗不汗更服寒熱往來服一丸瘧未發一丸已發二丸便斷積寒熱老痞服二丸癰堅結痞一丸日三取愈下痢重下者一丸取斷食肉不消腹堅脹一丸立愈若淋瀝瘦瘠百節痠疼服一丸日三頭卒風腫以苦酒若膏和傳之絮裏之癰疽瘰癧瘰癧及欲作癰以苦酒和傳之若惡瘡不可名癰疥疽以膏若苦酒和先以鹽湯洗瘡去痂拭乾傳之齒痛綿裹塞孔中鼠瘻以猪脂和傳瘡取駮舌狗子舐之中水毒服二九若已有瘡苦酒和三九傳之耳聾膿血汁出及卒聾以赤穀皮裹二九內之風目赤或癢視物漠漠淚出爛眚蜜解如飴塗注目眚若為蠱毒所中吐血腹內如刺服一丸如麻子有加大如胡豆亦以塗鼻孔中又以膏和通塗腹背上亦可燒之熏口及鼻若為蛇蝎諸毒所中及猘犬狂馬所咋苦酒和傳又水服二丸婦人產後餘疾及月水不通往來不時服二丸

日再 婦人胸中苦滯氣氣息不利小腹堅急繞臍絞痛漿水服如麻子一丸稍加之如小豆大  
兒百病驚瀾痞塞及有熱百日半歲者以一丸如麥米大置乳頭飲之一歲以上如麻子一丸日三飲  
送下 小兒大腹及中熱惡毒食物不化結成積聚服一丸 小兒寒熱頭痛身熱及吐衄服一丸如  
麻子大 小兒羸瘦丁奚不能食食不化漿水服二丸日三又苦酒和如梧子大傳腹上良 一切萬  
病量之不通一二丸莫不立效

**衍義** 辟除惡毒之藥非極力峻攻無以建克敵之功方中雄黃治寒熱死肌殺精物惡鬼邪氣勝五  
兵附子治風寒痿癱破癥堅積聚藜蘆治蠱毒泄利殺蟲毒去死肌丹砂治身體五臟百病養精神安  
魂魄殺鬼精惡物礬石治寒熱風痺腹中堅癖邪氣巴豆破癥瘕積聚堅積留飲蕩練五臟六腑開通  
閉塞除蠱毒鬼疰邪物種種皆辟除邪毒峻藥無不本諸本經治宿患痼疾確有五兵蕩練之勳而方  
後有無丹砂真硃代用之說真硃即礬紅取其滌除積垢以安神識也

張仲景三物備急圖 司空裴秀為散用治心腹卒暴百病方 大黃 乾姜 巴豆各等分 右皆須精  
新多少隨意先搗大黃乾姜下篩為散別研巴豆如脂內散中合搗千杵即爾得之為散亦好用蜜為  
丸貯密器中莫令散氣若中惡客忤心腹脹滿刺痛口噤氣急停屍卒死者以暖水苦酒服大豆許三  
枚老小量與扶頭起令得下喉須臾未醒更與三枚腹中鳴轉得吐利便愈若口已噤可先和成汁傾  
口中令從齒間得入極良

**衍義** 此本金匱雜療之方千金收入胆腑門者胆為清淨之府用以滌除穢垢中精自寧方中乾姜  
滲濕安中巴豆攻堅破積大黃推陳致新胆無出內可無傷精之患且無瀉惡混擾之虞千金以此方  
收入此門良有見乎此也

大理氣圖 治萬病方 牛膝 甘草 人參 茯苓 遠志 恆山 苦參 丹參 沙參 龍胆  
龍骨 牡蒙 半夏 杏仁 紫苑 芍藥 天雄 附子 葛根 橘皮 巴豆 狼牙 酪 二大黃



牡蠣 白朮各三 生薑末五兩 白薇六分 元參七分 蘆薈大者一枚 右二十九味先搗篩二十七味令熟次搗巴豆杏仁如膏然後和使相得加白蜜更搗五千餘杵丸如梧子大空腹酒服七丸日三瘕瘕癥結五十日服永瘥五常用理氣大覺有效

**衍義** 理氣者理正氣之不足邪氣之有餘也方中參苓朮甘安胃氣天雄附子助腎氣丹參遠志通心氣牛膝紫苑芍藥和血氣半夏恆山橘皮生薑豁痰氣葛根杏仁白薇散風氣巴豆大黃狼牙蘆蘆下積氣龍胆壯蒙苦沙元參除疰氣龍骨牡蠣收津氣九氣各得以平全在烏附半夏之反激以助其勢耳

**大麝香圓** 治鬼疰飛尸萬病方

麝香三分 礬石八分 牛黃 附子 鬼臼 真珠 莽草 犀角

礬石 細辛 桂心 獺肝 藜蘆各二 雄黃 一兩 丹砂 二兩 蜈蚣 蜥蜴各一 巴豆 杏仁各五 羌

青 地胆外臺作 亭長 蟬蛻各七 右二十三味為末蜜和合更搗三千杵丸如小豆大飲服一丸

日再漸加至三丸蟲毒所螫摩之以知為度若欲入毒疫癘鄉死傷病處及惡鬼塚墓盛絳囊中男左女右肘後繫之又以少許傳鼻下人中及卧不覺

**衍義** 玉壺凡中加入蟹螯地胆羌青亭長蜈蚣蜥蜴獺肝以攻毒邪犀角牛黃麝香真珠以和藥毒杏仁細辛莽草桂心礬石鬼臼以佐玉壺丸中六味并毒蟲野獸之藥共襄厥功

**小麝香圓**

治同前 麝香 莽草 犀角 梔子仁三分 雄黃 當歸外胎 丹砂各四 乾姜 桂心

芍藥 細辛各五 附子 烏頭各五 蜈蚣 一枚 巴豆五十枚 右十五味為末蜜和合搗千杵丸如小豆

大服三九日三可加至五丸一切尸疰痛瘕皆主之

**衍義** 大麝香丸專辟飛尸鬼疰惡毒不祥致煩猛藥峻攻小麝香丸治証雖同然不若前症之癘但

需烏頭乾姜以助丹雄犀麝桂附巴莽之祛風逐痺原無藉於辟除蠱注故無取於獺肝牛黃蜥蜴斑

紫葛圓

治寒熱不調方

紫葛

石膏

人參

丹參

紫參

苦參

元參

細辛

齊鹽

代赭

茯苓

巴豆

烏頭

乾姜

桂心

獨活

右十六味

為末

蜜和

更搗

萬餘杵

丸如小豆

服六丸食前三丸食後三丸忌五辛猪雞魚蒜餘不在禁限若覺體中大熱各減一丸服之令人肥悅好顏色強陽道能食服藥後十日得利黃白汗大佳婦人食前食後只服二丸兩歲以下小兒服丸如米粒大令人能飲酒除百病藥之功能損益備述如左

腹中積聚心腹滿 心下堅 痰飲 宿食 食吐逆 上氣 短氣 咳嗽 咽喉鳴 黃瘧 久瘧 面腫 身浮腫 四肢煩重 坐起體重 熱病濕蘊下部癢 體癢癢 關格不通 大腸出

熱淋 下利 顏色不定羸瘦無力弱房少精 精冷 身體斑駁 從高墮下絕傷 墮胎後傷損血 皮肉焦爛 月水不定或後或前 月水斷心下悶滿肩膊沉重 小兒百病 小兒癰氣

乳不消 小兒身常壯熱腹內有病所錄諸病皆紫葛圓治之若積日服餌未愈消息準方服之更瘥止

〔衍義〕

紫葛丸治寒熱不調而為方後諸病故用巴豆姜桂烏頭以破寒積紫葛石膏右益苦紫丹元

四參以散熱結獨活細辛以通經絡代赭治賊風鬼症蠱毒茯苓止莖中寒熱痛人參以助諸藥之力但紫葛藥肆罕得宜以紫葛代之以本經專主胸中寒熱結氣也者選萬病丸中用之亦取散結之義

太乙神精丹

治客忤霍亂腹痛脹滿尸症惡氣癰狂鬼語蠱毒妖魅溫瘧但是一切惡毒無所不治方

丹砂

曾青

雌黃

雄黃

硝石

各四兩

金牙

二兩

右六味各搗絹下篩其丹砂雌黃雄黃三味以

醃醋浸之曾青好酒於銅器中漬紙密封訖日中曝百日經憂急五十日亦得無日以火煖之然後各研令如細粉以醃醋拌使乾濕得所內土釜中以六一泥固濟勿令泄氣乾後安鐵環施脚高一尺五寸置釜上以漸放火初放火取熟炭兩秤各長四寸置釜上待三分二分盡即蓋如此三度盡用熟炭然後用益生炭其過三上熟火已外皆須加火漸多及至三伏時其火已欲近釜即便滿就釜下益生炭



經兩度即罷火盡極冷然後出之其藥精飛化凝著釜上五色者上三色者次一色者下雖無五色但色光明皎潔如雪最佳若飛上不盡更令與火如前以雞雞翼掃取或多或少不定研和棗膏丸如黍粒治偏風大風惡疾癰癤癰節等最良服法平旦空腹一丸為度其瘡病積久百方不瘥又加心腹脹滿上氣身面脚等並腫垂死者服一丸吐即瘥亦有不吐瘥者若不吐復不瘥者更服一丸半仍不瘥者後日增半丸漸服無有不瘥氣亦定當吐出青黃白物其因瘡兩脇下有癖塊者亦當消除若心腹不脹滿者可與一丸日日加之以知為度不必專須吐亦可一丸即瘥勿併與服亦可三日一服皆須以意斟酌量得其宜或腹內有水便即下者勿怪若患瘡日近精神健亦可斟酌病人藥性併與兩丸作一丸頓服之皆至午後食勿使冷勿使熱致漿粥任意食之若病瘡盜汗虛弱者日服一丸至三日吐即止若患瘡不汗氣復不流脚冷者服一丸至三日若不汗氣復脚即暖有潤汗不至三日吐即止若患瘡無顏色者服藥後三日即有顏色亦有須吐瘥者亦有服少許而瘥者亦有殺藥強人服三四丸始覺藥行者凡人稟性不同不可一概與之但作黍米大服之為始漸加以知為度藥力險壯勿併多服特慎油麤魚肉蒜當清淨服之若有患久不瘥在床羸瘦并腹脹滿及腫或下痢者多死但與藥救之十人中或瘥三四人也瘡癰積聚服一丸圭以漿水送下諸卒死中惡客忤霍亂腹滿體滯五尸症惡風狂忤大病相易死亡滅門狂癰鬼話已死氣絕心上微暖者扶起其頭以物撬開口不可開鑿去兩齒以漿飲送藥藥下即活諸久病者日服一刀圭覆令汗汗出即愈不愈者不過再服亦有不汗而瘥復有不汗不愈者服如上法加半刀圭以瘥為度常以絳囊帶九刀圭散男左女右小兒繫頭上辟瘴毒時氣射工小兒患可以苦酒和之塗方寸紙上著兜心腹上令藥在上治之亦有已死者冬二日夏一日與此藥服得下藥便活若不得入腹不活如金牙磁石者服至五服內必令人吐逆下利過此即自定其藥如小豆大為始從此漸小不得更大風惡癰可二十服偏風癰癤諸惡風癰病等亦可二十服自餘諸惡病者皆止一二服量人輕重弱強不得多與若欲解緩藥但爛煮食肥猪肉服此

藥後小應頭痛身熱一二日來大不能得食味後自漸得氣味五日後便能食若貪食過多者宜即之若服藥下悶亂可煮水防己湯服之即定凡言刀圭者以六粟為一刀圭一說云二小豆為一刀圭

作土釜法 其法取兩個瓦盆以甘土塗其內令極乾其狀大小隨藥多少

作六一泥法 赤石脂 牡蠣 滑石 礬石 黃礬 鹵土 蚯蚓屎 二

無菌土以鹽代之先作甘土泥以泥各別裏前黃礬等五種作團裏之勿令泄氣以火燒周三日最好一日亦得出火破團取藥各搗碎絹篩然後與蚯蚓屎尿鹵土等分以酢和之如稠粥既得好酢可用二分酢一分水和用取前五盆以此泥塗之曾青如蚯蚓屎如黃連佳世少此者好崑崙礬亦得瘧病丹砂亦鈔粟砂亦得舊不用磁石金牙令加之 凡雄黃皆以油煎九日九夜乃可入丹不爾有毒慎勿

生用

行義

石藥之用有三曰壯陽助火曰清熱解毒曰辟惡祛邪此方純用石藥專為辟除邪毒而設方中丹砂統治身中五臟百病養精神安魂魄益氣明目殺精魅久服通神明曾青主風痺利關節通九竅破癥瘕積聚雄黃殺精物惡鬼邪氣百蟲蠱毒雌黃治惡瘡毒蟲身瘡邪氣磁石療周痺風濕肢節中痛不可持物金牙辟鬼疰蠱毒筋骨攣急腰脚不遂上五味皆本經主治金牙乃別錄與甄權所主但曾青殊不易得詳六一泥下有崑崙礬可代曾青之說崑崙礬即是石綠產廣西崑崙山者佳故名與空青二青同出銅穴相挾帶出蘇頌言吐風痰甚效功用可代曾青載攷金牙專主瘡癰蠱毒尸症風痺故大小金牙散大小金牙酒咸以名方而真贗莫辨予擬消石代之佳防本草云金牙陽石也徐之才言消石為天地至神之物本經治百病除寒熱邪氣六腑積聚固結留癖能化七十二種石其純陽辟除陰毒之性不在金牙之下但本經所主綱目誤列朴消之下而別錄言療五臟十二金脈百二十疾能化七十二種石正與本經符合用以治方下諸病綽有餘裕藥雖異而功不殊也

倉公散

治卒鬼擊鬼辟鬼刺心腹痛如刺下血便死不知人及卧魘囓脚腫不覺者諸惡毒氣病方



文命時大愈令 特生礬石 皂莢 雄黃 藜蘆各等 右四味治下篩取如大豆許內管中吹入

病人鼻得嚏則氣通便活若未嚏復更吹之以得嚏為度此藥起死回生

行義 吹鼻取嚏此方最神中惡卒症非此不治方中礬石能伏水銀專破堅結皂莢能通關節利九

竅雄黃殺精物邪氣百蟲蠱毒藜蘆治惡瘡去死肌配合修製用以通利關節確有起死回生之功世

醫但知稀涎散瓜蒂散及頭風搐鼻等法披讀此方惟有舌搗目眩而已

小金牙散 治南方瘡癰疫氣脚弱風邪鬼疰方 金牙五分 雄黃 草薺 黃芩 蜀椒 由跋 桂

心 莽草 天雄 硃砂 麝香 烏頭各二分 牛黃 一分 蜈蚣一枚 細辛 葳蕤 犀角 乾姜各

分黃連四分 右十九味治下篩合牛黃麝香搗三千杵溫酒服錢五七日三夜二以知為度絳囊盛

帶男左女右一寸七省病問孝不避夜行塗人中晨昏霧露亦塗之

大金牙散 治一切蠱毒百症不祥醫所不治方 金牙 鸛骨 石膏各八分 斑蝥七分 活草子 胡燕

尿 白朮 雷丸 龍牙各六分 銅鏡鼻 梔子仁 乾漆 龜甲 鼈甲 鬼督郵 桃白皮 大黃

芒硝 由跋 犀角 甘草 狼毒 蜣螂 龍胆 狼牙 雄黃 真珠各三分 芫花 莽草 射罔

烏梅各二分 蛇蛻皮 一尺鐵精 赤小豆 一合地胆 鶻雞 芫青各七枚 桃奴 巴豆各二十枚 右五十味

治下篩服一刀圭稍加至二刀圭帶之辟百邪治九十九種症無白朮

行義 金牙散二方與前金牙酒藥品迥殊而功用彷彿小金牙散專主瘡癰脚弱故用烏頭天雄蜀

椒細辛乾姜桂心由跋莽草間發瘡癰犀角牛黃黃芩黃連葳蕤草薺化熱通痺硃砂雄黃麝香蜈蚣

匡佐金牙其建逐痺祛疫之功剛柔濟而脚弱自除矣 大金牙散專主蠱毒百症純是大辛大烈以

毒攻毒之藥射罔射干由跋芫尾芫花莽草督郵長卿馬目毒公專治蠱症斑蝥螫雞芫青地胆蜣螂

乾漆車破毒血巴豆雷丸狼毒狼牙芒硝大黃龜甲鼈甲專攻內結龍牙真珠雄黃鐵精鏡鼻蛇蛻蜂

房燕屎桃奴桃皮專辟疫邪犀角石膏胆草梔子赤小豆專解熱毒龍骨羚羊角利筋骨乾姜桂心細辛白朮甘草升麻芍藥烏梅專利氣血協輔金牙為蕩滌蠱疰之主帥潮涸窮源總不出如上等法其後飛尸鬼疰門中又有金牙散一方見五十卷與大金牙散之藥同者過半如彼用狸骨此用鸛骨彼用亭長此用地胆彼用烏頭此用射罔藥雖稍變而功用則一況乎複劑疊見如狼毒狼牙射干鳶尾之類奚必按方全用哉其治八風五疰譚曳躑跛用金牙酒見二十卷治瘡癰毒氣風冷濕痺拘攣脚氣用大金牙酒見二十卷方中諸藥與二散所同無幾而主療之證不甚相遠可見臨病處方但當師古聖之意取古方之法隨機應變不必拘守成則也大匠與人規矩三隅之反不在方圖之外耳


孫真人備急千金要方衍義卷十二終



This image shows a blank, aged, light brown page, likely an endpaper or flyleaf of a book. The paper has a textured, slightly mottled appearance with some creases and discoloration. The right edge of the page is bound, showing dark stitching or thread. There is no text or other markings on the page.

4







89570

1918

V. 1. 28. 11 '12